

撫松縣志卷之一

地理

位置

疆域

邊界

地勢

險隘

區劃

山脈

河流

城池

附鎮邊樓記並縣城圖

撫松縣志

卷一

目錄

一

公廨

附各局所

鎮基一

附圖

鎮基二

附圖

鎮基三

附圖及簡章

鎮基四

附圖及簡章

鎮基五

附圖

交通

物產

氣候

古蹟名勝

撫松十景

地理

夫地者萬物之資生也理者百凡之常經也顧劃野分疆設險以守其國無非地理之形勢量地制宜度地以居其民無非地理之設置他如考人物疆域之變遷察風俗氣候之同異統古及今博搜並志更無非地理之研究也故我撫邑古雖化外未列於禹貢九州今既隸屬版圖凡境內之形形色色誠不容忽視也述地理

位置

縣境位於省城之東畧北長白山之西北居遼寧全境之東部以地當松花江上游故設治後定名曰撫松縣縣治居全境西偏舊名甸子原屬吉林濛江縣清季宣統二年設治改屬奉天長白府及入民國隸東邊道距省城一千里

疆域

縣境之疆域東自長白山巔起西至頭道松花江止東西寬約二百餘里南自老龍崗起北至二道松花江止南北長約二百五十里全境面積約三萬方里若除山水不計外則平原之地不及全面積十分之二三焉其經緯西起東經十度三十四分東至東經十一度三十四分（根據北平爲零度）南起北緯四十一度三十七分三十秒北至北緯四十二度四十五分

撫松縣志

卷一 地理位置疆域邊界地勢 三

邊界

縣境地處極邊叢林遍野東及東北界五虎頂子露水河與安圖爲鄰西南界龍崗山與臨江毗連東及東南則以白山之天池南下之老崗張鳳草頂子爲限俱與長白接壤北依二道松花江與吉林之樺甸爲界西依頭道松花江及湯河與吉林之濛江爲界周覽形勢俱依山脈水流而成天然之區劃也

地勢

縣境地勢東南高而西北低羣山糾紛最大山脈分東西北三條大崗由長白山脈蜿蜒而來及至縣城附近山勢秀雅似有文明氣象起伏朝拱恍若龍虎之蟠踞設治於此非偶然也境內河流

雖多然皆水量淺狹兩岸石壁嶙峋波濤湍急不堪行船惟頭二道松花江暨松香河水量較深咸由長白山發源諸水環抱全境曲折西北流至兩江口頭二道江相會直達吉省源遠流長爲邑中巨川顧以河底暗礁頗多有碍航行現僅駛行尖咀小船及順流放行木籐而已倘施以人工畧行開鑿則航路不難通達而地面之振興尙可預期此撫邑地勢之大概也

險隘

縣境羣山環繞形勢天然西北部頭二道江松香河石頭河湯河諸水紆迴貫穿而北下憑山俯河不啻拊背而扼玩松樹鎮西南岔湯河口黃泥河子雙洋哨抽水洞諸處均爲兵家必爭之地東南部則廣野百里地勢漸高爲林木最富之區漫江營老道嶺露水河等處亦防務上最重之地綜覽全境如重關疊鎖實爲要塞天然可耕之地雖屬無多而可守之險實爲東邊各縣之最也

區劃

撫邑設治於宣統二年春其第一任知事爲許公中樞維時地帶荒涼民戶稀少良莠雜居匪患迭至歷任知事剿防而外無遑他顧不特區村制尙未奉行即城鄉之區劃亦未能舉辦民國三年胡匪陷城知事湯公信臣殉焉繼任者爲由公升堂下車伊始即將全境劃爲九團以城廂爲第一團大營爲第二團西崗爲第三團抽水洞爲第四團北崗爲第五團萬里河爲第六團榆樹河子爲第七團倒樹河子爲第八團貝水灘爲第九團十三年知事高公文潞改團爲區全境又併爲三區以城廂爲中區域以北貝水

灘爲北區域以南松樹鎮爲南區十六年經知事張公元俊將中區改爲第一區南區改爲第二區北區改爲第三區十七年復將全境更爲七區以城廂爲第一區松樹鎮爲第二區萬里河爲第三區抽水洞爲第四區北崗爲第五區東崗爲第六區西崗爲第七區而學區自治區公安區始劃一焉因地處邊陲民戶零星區村制奉令緩辦鄉村辦事人員向有董事百家長財政員之設名目殊爲紛歧復將各區劃爲若干村遵照村制大綱各設村長副以辦理村中事務茲將區村表附列如左

區村表

第一區駐所附於公安局內全區邊界東至板石溝子西至松花江沿南至鵬窩砬子北至萬兩河

| 村名暨地名原 | 名距城 | 里數 | 距區 | 里數 |
|---------|-----|----|----|----|
| 珠寶村鵬窩砬子 | | 二五 | | |
| 馬鹿村馬鹿溝 | | 八 | | |
| 韭菜村韭菜溝子 | | 五 | | |
| 荒溝村荒溝 | | 一五 | | |
| 大冰郎溝子 | | 九 | | |
| 小冰郎溝子 | | 八 | | |
| 老人溝 | | 八 | | |
| 鵬窩砬子 | | 三〇 | | |
| 王八脖子 | | 一五 | | |
| 楊家砬子 | | 二〇 | | |
| 黃家砬子 | | 二〇 | | |
| 石嘴子 | | 八 | | |
| 南小溝子 | | 二〇 | | |
| 蛤蟆石 | | 二〇 | | |
| 內馬鹿溝 | | 八 | | |
| 外馬鹿溝 | | 八 | | |
| 高力溝子 | | 六 | | |
| 頭道陽岔 | | 八 | | |

撫松縣志

卷一 地理區村表

六

| | | |
|-------|-----|----|
| 小馬鹿溝 | 七〇 | 二〇 |
| 夏藍子 | 八〇 | 一〇 |
| 小沙河子溝 | 七五 | 一五 |
| 東楊木頂子 | 一三〇 | 九〇 |
| 西楊木頂子 | 一二〇 | 九〇 |
| 樺石嘴子 | 一〇〇 | 四〇 |
| 西大川 | 一一〇 | 四五 |
| 蛤螺溝子 | 九〇 | 二五 |
| 石頭河子 | 七〇 | 五〇 |
| 大頂子 | 八〇 | 一〇 |
| 雙頭河子 | 八〇 | 二〇 |
| 海青嶺 | 六〇 | 六五 |
| 牛心頂子 | 六五 | 三〇 |
| 老鵝河 | 七〇 | 二〇 |
| 大拉木溝 | 六五 | 三五 |
| 仙人橋 | 四〇 | 五五 |
| 湯河口子 | 三〇 | 六〇 |
| 抽生溝子 | 四〇 | 五五 |
| 黑影崗 | 四五 | 四五 |

撫松縣志

卷一 地理區村表

九

第三區駐所在萬兩河村全區邊界東至露水河西至梁道溝嶺
南至松江河北至二道江

村名暨地名原 名距城 里數距區 里數

| | | |
|----------|-----|-----|
| 貝水灘村 | 二〇五 | 一八五 |
| 保安村黃泥河子 | 七〇 | 四〇 |
| 向陽村頭道岔 | 四五 | 一五 |
| 萬兩村萬兩河 | 一〇 | 一〇 |
| 荒頂子 | 一五 | 二 |
| 砬子河 | 八〇 | 五〇 |
| 石胡溝 | 一〇〇 | 六〇 |
| 頭道岔 | 二五 | 五 |
| 二道岔 | 三〇 | 一 |
| 三道岔 | 三一 | 一 |
| 小黃泥河子 | 六五 | 三五 |
| 撫松縣志 | | |
| 卷一 地理區村表 | | |
| 十 | | |
| 大黃泥河子 | 七五 | 四五 |
| 頭道砬子河 | 九〇 | 六〇 |

第四區駐所在抽水洞全區邊界東至馱道口嶺西至抽水洞口
子南至太平川北至榆樹河口子

| | | | | |
|--------|-----|----|----|----|
| 村名暨地名原 | 名距城 | 里數 | 距區 | 里數 |
| 朝陽村抽水洞 | 四〇 | 五 | | |
| 太平村太平川 | 五〇 | 七 | | |
| 大清溝 | 二〇 | | | |
| 梨樹園子 | 二五 | 一八 | | |
| 葦沙河 | 五〇 | 一〇 | | |
| 榆樹河子 | 七〇 | 三〇 | | |

| | | | | | | | | | | | | | | | |
|------|-----|------|------|-------|-----|-----|-----|-----|-----|-----|----------|-----|-----|-------|------|
| 四鄧崴子 | 雙羊哨 | 道青河子 | 小崴沙河 | 抽水洞口子 | 輜陽溝 | 石仁口 | 斗溝子 | 草扒溝 | 城場溝 | 太平川 | 撫松縣志 | 雙溝子 | 半截溝 | 大青溝口子 | 棒槌溝子 |
| | | | | | | | | | | | 卷一 地理區村表 | | | | |
| 九〇 | 一一〇 | 九〇 | 六〇 | 五〇 | 四〇 | 四〇 | 三〇 | 二五 | 四〇 | 一八 | 十一 | 二五 | 一〇 | 二 | 一〇 |
| 五〇 | 七〇 | 五〇 | 二〇 | 一〇 | 三 | 四 | 一五 | 一五 | 二〇 | 二五 | | 一五 | 三〇 | 三〇 | 三〇 |

第五區駐所在北崗村全區邊界東至露水河西至腰營南至三道松香河北至頭道砬子河

| | | | | |
|--------|--------|-----|-----|------|
| 村名暨地名原 | 礪沙村砬子河 | 普河村 | 普春河 | 露水河子 |
| 名距城 | 七〇 | 五〇 | 一〇〇 | 一八 |
| 里數 | 四〇 | 三〇 | 四〇 | 一二〇 |
| 區里數 | | | | |

第七區駐所在西崗村全區邊界東至松花頭道江西至石頭河
 子南至漫江營北至歲子江沿

| | | | | |
|------|-----|-----|-----|------|
| 新場子村 | 大城場 | 小沙河 | 大沙河 | 板石河子 |
| 一三〇 | 一五〇 | 一三〇 | 一三〇 | 八〇 |
| 四〇 | 七〇 | 一四〇 | 四〇 | 一五 |

村名暨地名原 名距城里數距區里數

平安村 八〇

小暴都城 一三〇 四〇

西崗 八〇

撫松縣志

卷一 地理區村表

十三

歲子 四五 四〇

小山 一〇五 二〇

王八脖子 一二〇 三五

八匣子 六五 三五

柞木台子 一三〇 四五

柳毛河子 一二五 四五

漫江營 一七〇 八五

花砬子 一五〇 七五

楊木頂子 一二五 九〇

山脈

縣境居長白山之西北麓境內層巒疊嶂起伏爭妍極峻聳之能事然因榛莽初闢爲文人罕至之區文獻無徵故山雖多而有名者甚尠茲將長白山暨境內著名各山畧述如左

長白山 位於縣之東南境土人名曰老白山四時望之色白異常故名長白山中有天池環池多奇峰大者曰白雲曰冠冕曰白頭曰三奇曰天豁曰芝盤小者有十曰玉柱曰梯雲曰臥虎曰孤隼曰紫霞曰華蓋曰鉄壁曰龍門曰觀日曰錦屏又有伏龍岡雞冠岩汨日坡懸雪崖軟石崖四圍環繞池之左右有三泉曰金綫曰玉漿曰隱流池之東北有三山曰麟巒曰鳳巒曰碧螺偶值天朗氣清臨池縱目則怪石壁立絢爛照人其氣象之雄厚山勢之崢嶸不特爲撫松諸山之主峰寔我遼寧全省第一名山也高約三十六里爲東北各省諸山之最高峰周約三百里居於撫松長白安圖三縣之間

老嶺 位於縣之東南境松花鴨綠兩江之分水嶺由長白山蜿蜒而西山勢突兀由長白山巔南起伏於長白撫松臨江三縣之間形如龍蟠故又名龍崗春花冬雪僻靜幽深縣南勝景以此爲最

北崗 在縣之東北境綿互於露水河子松香河兩流域之間起於白山北麓之五虎頂子北行爲土頂子青頂子又轉而西行爲四方頂子萬里河掌又西南行爲葦沙河嶺荒溝至城北松香河北岸止山勢平坦廣袤無垠樹林陰翳老幹參天春夏則園蓂遍

野秋冬則積雪皓然羣峯環抱若隱若見蜿蜒約三百里即縣城之座山亦縣北之大觀也

東崗 在縣之東境介於松香河頭道江兩流域之間起於白山西泊子東行爲煙筒砬子黑河崗果松山崗頂平坦宜於培養園穫形勢與北崗畧同蜿蜒起伏約二百里至縣城東炮台山止焉西崗 縣之東南境在頭道江掌漫江石頭河子兩流域之間起於老崗張鳳草頂子之西老黑頂子北行爲赤柏松崗錯草頂子至隈子北石頭河子口止亦約二百里形勢與東北崗相似

西馬鞍山 城東北一百五十里

東馬鞍山 城東一百六十里

張鳳草頂子 城東南三百里爲漫江掌

撫松縣志

卷一

地理山脈

十五

土頂子 城東一百四十里

光頂子 城東南二百八十里在白山前

青頂子 城東一百三十五里

孤頂子 城東南一百里

小山 城南六十里

石龍崗 城東南一百三十里

大荒頂子 城北二十五里

三瞪眼嶺 城西北一百十里

三聖嶺 城西北四十里

鵝毛頂子 城東七十五里

黑河崗 城東南九十里

國慶山 城東一百里

海青嶺 城南五十里

蚊子溝嶺 城西南八十五里

黑河崗 城東一百二十里

烟筒砬子 城東一百六十里

四方頂子 城東北一百八十里

東楊木頂子 城南一百三十里

西楊木頂子 城南一百二十里

萬里河掌老崗 城北六十里

葦沙河崗 城西北六十里

河流

縣境位於松花江上游故松花江爲全縣所會歸地勢東南高而西北低是以河流多發源於東南而流於西北此所謂順山勢爲水勢也茲將其著名者畧述如次

梯子河 源出白山正巔前懷天橋東山澗下流寬五六尺不等水深一二尺河崖深七八丈十數丈二十餘丈尙有深不可測之處又名地河人獸墜入其中絕無生路南行五六十里有橋橫其上非土非石掘之似砂堆成人馬行其上頗懷戒心據獵人云不知幾千百年矣俗名梯子橋又名天橋

緊江 源出白山前懷西北流水勢湍急故曰緊江會樺皮河子梯子河旱河諸水至花砬子與漫江相會由源至口約百八十里源流約三十里許有溫泉名曰湯上水甚熱硫磺氣味能達三四里由湯上下行二三里江內有石石面上有二孔極細由孔向上噴熱水名曰洗眼湯

漫江 源出老崗張鳳草頂子向北流水勢平緩兩岸多肥沃之田產魚最多北流約百七十八里至花砬子與緊江相會下流爲松花頭道江

頭道松花江 撫境諸水以此流爲最長其源有二曰緊江曰漫江均發源於白山西南麓因其流一急一緩得名二江相會蜿蜒於東西兩崗之間西北流至湯河口與湯河相會復北流爲撫濛兩縣之天然界限至縣城北三里許與松香河相會由此西北流至四區抽水洞復折而北流至兩江口與二道松花江

相會北流入吉林樺甸界約行撫松境內曲折約五百餘里其水之深度湯河口以下至縣城僅可行木筏縣城以北則帆船之小者尙可往來自如惟水底間有暗礁畧加開鑿即可航行亦運輸便利之河流也茲將頭道松花江支流名稱述之如左

| | | | |
|------|------|------|------|
| 樺皮河子 | 鼠尾河 | 黑河 | 黃泥河子 |
| 外塔河 | 小黑河 | 板石河子 | 城場溝 |
| 大青川 | 老人溝 | 荒溝 | 小青溝 |
| 大青溝 | 半截溝 | 上雙溝 | 下雙溝 |
| 太平川 | 草扒溝 | 黎緣溝 | 葦沙河 |
| 道青河子 | 榆樹河子 | 石頭河子 | 塔河 |
| 松香河 | 湯河 | | |

撫松縣志

卷一

地理河流

十八

二道松花江 源出於安圖界白山之北麓合安屬頭二三四四道白河西流至露水河口始入於撫松與樺甸兩縣之分界處西行至貝水灘折向西北流會諸道砬子河及樺境諸道柳河復折而西南至薛家船口與黃泥河子相會西流至兩江口與頭道松花江相會北流入吉林樺甸界內約行撫境內二百里較之頭道松花江水量稍深木筏帆船均可行駛亦因暗礁稍多故航行尙未通達也茲將其支流在撫松境內者述之如次

| | | | |
|-------|-------|-------|-------|
| 露水河 | 細麟河 | 哨子河 | 縮脖子溝 |
| 麻石河 | 旱湖溝 | 石湖溝 | 扁棗湖溝 |
| 濶溝 | 小繩溝 | 石頭溝 | 五道砬子河 |
| 四道砬子河 | 三道砬子河 | 二道砬子河 | 頭道砬子河 |

北太平川 海溝 旱窩溝 豺狼溝

張三溝 三道溝 貝水灘

松香河 源出於白山西麓流於北岡東岡之間委折而西北流至縣城北流入頭道江內茲將其支流述之如次

槽子河 柳毛河 黃泥河 大牛溝河

細麟河子 二道松香河 三道松香河 蒲春河

栳榔河 萬兩河

湯河 源出於濛江縣境之灣溝因濛岸有溫泉故名湯河東流至駁馬川以下即入於撫濛兩縣之間再折而東北流經松樹鎮海青鎮至湯河口注入頭道松花江此河水流甚急茲將其支流述之如次

撫松縣志

卷一

地理河流

十九

城場溝 水洞溝 蚊子溝 馬鹿溝

海青溝 下窪子 小沙河 小湯河

旱河 在梯子河下游寬三丈許河身高十餘丈砂石淤墊並無流水相傳水由河底滲入緊江故稱曰旱河

城池

我撫舊屬吉林自清宣統二年改隸奉天設治以來雖有官署並無城郭民國三年七月間胡匪陷城知事湯公信臣被難繼任由公竹庭遷縣署於城內爲防務起見掘壕修築土城城高八尺許壕深廣各丈許城南面一百八十五丈北面一百八十丈東面二百二十五丈西面二百二十丈周圍計八百一十丈有門五東曰勵山西曰襟江大南在西曰安瀾小南在東曰獲鹿北曰帶河門外壕上設木橋以通行人橋長二丈四尺寬一丈五尺東門內舊有水渠下有泉與江通隨江水爲消漲門外百餘步爲松香河故道各修一橋內曰通江橋外曰古松橋又北門內外各有小橋一共爲五門九橋民國四年由公因壕淺城低重加濬築凡三次連

撫松縣志

卷一

地理城池

二十

門橋各工歷五閱月始竣事民國十五年秋知事高公伯璵因隔江與吉林濛江相望形勢極稱險要於西城門上特建一樓工甫竣而匪亂起城池橋梁踐毀殆盡民國十六年知事張公傑三將土壕及城門橋梁并原有城角炮台四座東山炮台一處逐一重修又於土城之上植柳作柵並於縣政府公安局及城關要隘增築炮台以資守衛并勸令殷寔商民一體建修由是撫松縣城之炮台矗立於雲霄之間而城關防務亦日見鞏固矣茲將城關炮台述之如次

縣政府炮台二處

公安局炮台三處

大南門炮台一處

小南門炮台一處

東南城角炮台一處

東門樓炮台一處

東北城角炮台一處

北門炮台一處

西北城角炮台一處

西門樓炮台一處

西南城角炮台一處

南江沿炮台一處

西江沿大炮台一處名曰鎮江樓

北營門前炮台一處

撫松縣志

卷一

地理城池

二十一

城西南市場炮台一處

以上係公家建修均常川派隊駐守至於殷實商民自行修築以備自衛者舉目皆是茲將其有關城防者擇要列之

東街福盛祥建炮台一處

東街福盛湧建炮台二處

東關裕盛泉建炮台二處

東關汪盛奎建炮台二處

南關義盛祥建炮台二處

南關瑞升湧建炮台二處

西關福合泉建炮台四處

西關福升合建炮台一處

北關德興泉建炮台二處

農會建炮台一處

商會建炮台一處

以上係商民自行建築於城防關係均爲重要此外有東山炮台一處居東山之巔俯瞰全城係由公竹庭所建題曰鎮邊樓年久失修經張公傑三籌款重修常川派隊駐守每有軍隊進城即預先鳴鐘報告於城關防務亦極有關係云

公廨

附各會所

縣政府 當清宣統二年設治之初設治員許公位三因地處邊陲人民稀少又以款項支絀遂佔用草房正廂各三間設衙署於大北關即今陸軍防所西北隅之正廂房迨至民國三年胡匪陷城知事湯公信臣被難衙署蹂躪不堪繼任知事由公竹庭到任將縣署遷移城內大什街南大小南街之間僅佔用民有舊草正房五間門房三間廂房二間後臨街房三間共草房十三間墻壁皆以木板築成至民國六年知事蘇公秀庭接修二堂二間民國七年知事梁公煥一又接修二堂一間增建監獄瓦房七間民國十年知事曹公樹葭到任後復增建內宅七間並於衙署周圍修築板障以資防衛民國十六年一月知事張公傑三到任適值胡匪陷城之後蹂躪過甚加以原有草房多年失修四圍板障亦均朽腐監獄防守實感困難是年六月募款修葺舊有草房並建修頭門瓦房三間圍墻九十六丈於東南西北兩隅各建炮台一座以資守衛至民國十八年春張公請准由省庫撥現大洋三千元重建大堂三楹東西兩廊各五間於大堂左右修築法庭辦公室各二間並建儀門一座儀門外東西廂各五間庫房廚房各三間原有草房七間翻修瓦房共四十七間頭門外開東西官道一條建修東西轅門各一座照壁一座較昔完整焉

監獄 附於縣政府計瓦房七間

財政局 附縣政府院內佔用瓦房三間

稅捐局 附縣政府院內儀門外佔用瓦房三間

墾務局 附縣政府院內

公安局 在縣城大南門裡路西係議事會舊址原有瓦正房五間西廂三間東廂四間民國十三年經所長劉雲峰接修西廂二間十六年經所長黃漢傑增建炮台三座十七年經所長張璞菴增修門房六間圍牆四十餘丈十八年因房不敷應用復經局長張璞菴增修西廂板房五間十九年春經局長杜煥章建二門一座計共二十五間而公安第一區分局附駐院內

公安第一區分局 在公安局院內

公安第二區分局 在城西南松樹鎮

公安第三區分局 在城北萬兩河

公安第四區分局 在城西北抽水洞

撫松縣志

卷一 地理公廨附各會所

二十四

公安第五區分局 在城東北北岡

公安第六區分局 在城正東東岡

公安第七區分局 在城東南西岡

教育局 在縣城大南門裡路西瓦房七間

電話局 在縣政府門前租用民房三間

電報局 在縣城大南門裡路西

郵政局 在縣城東門裡路北

陸軍駐所 在城北分東西兩院西院係縣署舊址原有草房正廂各三間民國七年暫編陸軍來撫駐防因房間不敷增修西廂三間十四年團長邵仲三接修西廂八間并建門房十五間計三十二間即今縣立師範學校及第六小學校在焉東院原

係農業試驗場民國十一年經團長趙貢九因設團部房間不敷由商會出款建築計四十二間即今省防陸軍二團一營三連所駐焉

林區駐在所 在大西關路南

教養工廠 在北門裡路東

公安大隊部 在大小南門之間

公安第八十二中隊 駐縣城北黃泥河子

公安八十二中隊一分隊 駐八十二中隊院內

公安八十二中隊二分隊 駐北岡

公安八十二中隊三分隊 駐榆樹河子

公安第八十四中隊 駐縣東關路南

撫松縣志

卷一 地理公廨附各會所 二十五

公安八十四中隊一分隊 駐八十四中隊院內

公安八十四中隊二分隊 駐馬鹿溝門

公安八十四中隊三分隊 駐東崗

公安第八十三中隊 駐松樹鎮

公安八十三中隊一分隊 駐八十三中隊院內

公安八十三中隊二分隊 駐西南岔

公安八十三中隊三分隊 駐西岡

農會 在小南門裏路東

商會 在小南門裏路東

教育會 附教育局院內

葎會 在縣政府前街

醫學研究會 在小南門裏路西

屠獸場 在城西北頭道江沿

山東同鄉會 在小南門外路西

難民收容所 附山東同鄉會院內

師範學校 在縣城北門外

縣立第一小學校 在大南門裏路西

縣立第二小學校 在縣成南關

縣立第三小學校 在縣城東關

縣立第四小學校 在縣城北門裏東胡同內

縣立第五小學校 在海青鎮

縣立第六小學校 在縣城北關

縣立第七小學校 在松樹鎮

撫松縣志

卷一 地理公廨 附各會所

二十六

縣立第八小學校 在萬兩河

縣立第九小學校 在抽水洞



縣立第十小學校 在鵬窩砬子

縣立第十一小學校 在東崗

縣立第十二小學校 在黃泥河子

換松縣第二區松樹鎮街基圖

| | |
|---|---|
| 例 | 圖 |
| 河 | 分 |
| 山 | 局 |
| 脈 | 界 |
| 所 | 稅 |
| 學 | 捐 |
| 校 | 分 |
| 電 | 卡 |
| 話 | 煤 |
| 局 | 公 |
| 村 | 司 |
| 公 | 礦 |
| 所 | 煤 |
| 圖 | 圖 |
| ○ | ○ |
| △ | △ |
| ▽ | ▽ |
| □ | □ |



鎮基一

松樹鎮 原名松樹嘴四面依山傍水在縣城西南公安二區管境爲赴臨江之通衢距城九十里街址東西長約一里半南北寬約一里全面積不足二方里西山岡原修陸軍營部一所現公安分局佔用設東西大街一道長約里半有奇外有南北小橫街數道稅捐分所第七小學校均駐於街之西端電話局及村公所設於街之中央街之東首設有公安中隊按本鎮設立最早其年月無從詳查當初設縣治時即有居民二十餘戶現在合商民共計已增至二百五十餘戶推爲邑中巨鎮惟與縣城比較尙遠不及爾附圖於左

松 撫 縣 青 海 鎮 街 基 圖

| 例 | | 圖 | |
|----|----|----|-----|
| 水溝 | 水溝 | 山脈 | 河流 |
| 小泡 | 大道 | 支 | 村公所 |
| 小泡 | 大道 | 支 | 學校 |
| 小泡 | 大道 | 支 | 分所 |
| 小泡 | 大道 | 支 | 省界 |





鎮基二

海青鎮 原名大營在邑南公安二區管境距城四十五里地址長寬各約里許民國二年春知事汪公鳴鶴以地當赴臨江要衢急宜開放以利交通乃先勘定東西大街一道將街基編成三十餘號每長十六丈寬八丈爲一號飭令商民報領建築房屋經營商業惟因地近縣城而居民貿易多赴城市更兼向無守禦近今始修炮臺添設分卡誠恐防範未周或遭不測故自成立以來僅有商民二十餘戶十七年秋經張公在該鎮街東又續放街基以期發達近來胡匪肅清商民日見增多設立小學一處女學一處稅捐分局道路橋梁異常整潔頗見發達氣象附街基圖如左

換松縣第三區萬兩鎮街基圖

| 例 | | 圖 | | | | |
|---|---|---|---|---|---|---|
| 小 | 大 | 橋 | 河 | 山 | 村 | 分 |
| 道 | 道 | | 流 | 脈 | 鎮 | 局 |
| | | | | | | |
| | | | | | | |



鎮基三

萬兩鎮 舊名萬兩河在邑北偏東公安三區管境距城約三十里民國十七年該區區官江蘊奇爲興通地面便民利商起見邀集地方紳董討論開設市鎮辦法乃於區所東首坎下拉成集場街號東西長約里許南北寬約一里有奇勘定南北大街一道將街基地縱橫各劃爲十號一面飭令商民報領建築房屋業商居住一面擬定簡章繪具草圖呈請備案嗣奉縣令將萬兩河萬名改稱萬兩鎮現在建築工程將竣公安分局村公所小學校均設於街內附簡章及圖於左

簡章

第一條本章程爲興通地面便民利商起見並遵照清鄉局歸併

撫松縣志

卷一 地理鎮基三

二十九

村屯辦法爲宗旨

第二條本章程施行區域以公安第三區東首坎下邱得勝林荒

一段劃爲街基任商民買用建築房屋業商住民

第三條查萬兩鎮係邱得勝原報林荒至今未曾開墾就近公安

區砍伐林木設爲街基散住商民可得買用建築房屋營

業居住與防勦兩有裨益

第四條商民買用萬兩鎮街基分爲兩等上等即萬兩鎮街基官

道左右寬十二丈長二十丈爲一號作價奉大洋二百五

十元中等即街基兩頭及河沿等處寬十二丈長二十丈

爲一號作價奉大洋二百元

第五條商民買用街基得由原地主出立賣契按照規定價格給

價以便稅契

第六條商民價買街基由公安區代爲辦理所得價金完全歸原賣主收受本區不得收慰勞費

第七條此街基係先後按號買用不得擇選

第八條買用街基立契後限八個月內至少得建築草房五間逾限得任他人另買建築酌給原價

第九條本章程由請准備案日施行

鎮基四

太平鎮 舊名朝陽屯在邑西北公安四區管境距城四十里民國十七年該區區官溫瑞英見區內山深林密地曠人稀商場闕如交易不便因詳察地方形勢於區所西側民戶濮永印林荒一段開爲鎮基勘劃東西大街二一名朝陽街一名官道街將街基地編成號數定價出賣飭令商民報領建築房屋以便營商居住遂繪具草圖擬定簡章呈請備案嗣奉縣令將朝陽屯舊稱改爲太平鎮以符名實迨本年春房屋街道俱各修築齊整現已報竣公安四分局村公所小學校均設於街內附簡章及圖如左

簡章

第一條本章程爲興通地面便民利商起見並遵照清鄉局歸併

撫松縣志

卷一 地理鎮基四

三十一

村屯辦法爲宗旨

第二條本章程施行區域以公安第四區西邊濮永印林荒一段劃歸屯基任商民買用建築房屋業商居住

第三條查朝陽屯係濮永印原買紀姓林荒至今未曾開墾就近公安區砍伐林木設爲屯基散商民可得買用建築房屋營業居住與防勦兩有裨益

第四條商民買用朝陽屯街基分爲三等即朝陽街路北爲上等寬十丈長十五丈爲一號作價奉大洋二百元中等即官道街寬十丈長三十丈爲一號作價奉大洋一百五十元下等即官道街路南寬十丈長即北至官道街南至小河作價奉大洋一百元

第五條商民買用屯基由原地主出立賣契按照規定價格給價
以便稅契

第六條商民價買屯基由公安區代為辦理所得價金完全歸原
賣主收受本區不收慰勞費



第七條此屯基係先後挨號買用不得擇選

第八條買用屯基立契後限一年內至少得建築草房五間逾限
得任他人另買建築酌給原價

第九條本章程由請准備案日施行

換松縣第四區太平鎮街基圖


| | |
|----|----|
| 例 | 圖 |
| 河流 | 山脈 |
| 江 | 學校 |
| 分隊 | 分所 |
| 分局 | 文 |
| | △ |
| | ○ |
| | □ |



鎮基五

漫江鎮 原名漫江營在邑東南公安七區管境距城一百五十里土地肥沃出產豐富因向受胡匪滋擾原有墾戶相繼遷移近年以來胡匪肅清地面平靖如仍任其荒棄殊爲可惜民國十九年秋縣長張公元俊有鑒及此特請准 省憲親往該地查勘漫江營熟地二段開放街基宅基劃定南北大街二道東西大街一道將街基編成六十餘號每長十五丈寬八丈爲一號宅基四十餘號每長十丈寬六丈爲一號招商民報領建築房屋經營商業惟因地距縣區較遠保護不週當將公安分所村公所均設於街內以資防守其餘隙地俟商民增多即行續放以期發展附街基圖如左

遼寧省撫松縣漫江村集設市街定劃宅基用地詳圖



交通

道路 縣境自東北之露水河至西南之松樹鎮長約二百五十里爲臨撫安往來之要道惟向以山嶺崎嶇叢林滿野交通極感不便嗣經知事張公傑三督飭各區分段修理開寬嶺道修建河橋今則冬季可行扒犁夏可通行馱子行旅較爲便利松樹鎮與海青鎮之間沿湯河而行河水一有暴漲即不能通行且跨湯河兩岸達於濛江縣境胡匪出沒無常行旅極感不便復由海青鎮南經西南岔開一可通臨江之新道以利交通茲將由縣城距各處里數分述於次

西南至松樹鎮九十里

西南至老嶺一百一十里與臨江分界

撫松縣志

卷一 地理交通

三十四

南至西南岔八十里

南至海青鎮四十五里

東南至西崗防所八十里

南至鵬窩砬子防所三十里

東至東崗防所九十里

東北至露水河子防所一百六十里與安圖縣分界

東北至北崗防所五十里

東北至貝水灘防所二百二十里

北至萬兩河防所三十里

北至黃泥河子防所六十里

西北至抽水洞防所四十里

西北至榆樹河子防所七十里

西北至兩江口一百五十里與樺甸縣分界

東南至漫江防所一百五十里

船渡 撫松大水以頭二道松花江及松香河湯河爲最大各交通要路均設有小船以渡行人俗名鱧艘擇要列之於次

西江沿渡船 在縣城西里許舊名犍牛哨可通濛江

北松香河沿渡船 在城北二里許

南甸子江沿渡船 城南八里

湯河口渡船 城南三十八里

窩營渡船 城東北十五里

貝水灘渡船 城東北二百二十里

撫松縣志

卷一 地理交通

三十五

砬子河渡船 城北一百三十里

薛船口渡船 城北九十里可通樺甸

兩江口渡船 城北一百里

橋梁

古松橋 在縣城東關

礪山橋 縣城東門

通江橋 縣城東門裡

獲鹿橋 縣城小南門

安瀾橋 縣城大南門

襟江橋 縣城西門

帶河橋 縣城北門

內帶河橋 北門裡

外帶河橋 北門外

湯河橋 由縣城南三十八里之湯河口起經海青鎮松樹鎮至老嶺計七十里共有木橋二十一道

露水河橋 城東北一百六十里

萬里河橋 在城北三十里

馬鹿溝橋 在城南八里

石頭河子橋 在城南一百三十里

漫江營橋 在城南一百五十里

郵路

由縣城西至濛江縣計一百二十里

撫松縣志

卷一 地理交通

三十六

由縣城南至松樹鎮九十里再過老嶺可達臨江

由縣城東北行可達安圖縣計三百里

電線

撫臨線 由縣城南行經海青鎮松樹鎮達臨江此線可通
電話并設有電報專線

撫安線 由縣城東北行經北岡露水河可達安圖縣城僅
通電話

北岡電話 附撫安線

露水河電話 附撫安線

海青鎮電話 附撫臨線

松樹鎮電話 附撫臨線

萬里河電話 由縣北行三十里

黃泥河子電話再由萬里河北行四十里

抽水洞電話 由縣西北行四十里

東崗電話 由縣東行一百里

西崗電話 由縣南行一百里

撫濛電話 由縣城渡江西經濛江境榆樹川頭二道花

園可達濛江

動物獸類

畊田輓車端賴家畜豐林深谷更多野獸况飼養調護土脈氣候所關乎人事天工者尤爲特別原因故撫地獸類視他處爲獨良也是以全境之獸類無論家畜野獸往往較異地爲最優中如家畜之牛特高長力大而耐勞野獸之紫貂紅狐猓獺水獺以及鹿茸熊胆爲本地特產絕非異地所能及者茲分志之

牛 撫松之牛較他處高大農家多畜之用以耕田輓車回民多宰殺之以貨其皮肉殊可惜也

馬 本境所產無多率皆購自外境多用騎乘輓車身體短小畜者極少

驢 似驪特小耳大頰長額廣有灰白黑三色特以水土關係
撫松縣志 卷一 地理物產 三十八
不甚蕃殖

驪 似驢特健大本境農家多畜之

羊 小曰羔大曰羊山羊色黑綿羊色白絨可爲氈皮可爲裘本境始有豢養者

宰 形與羊相似色灰血可治婦科百症

犬 即狗乃家獸也多黃黑色亦間有雜色者本境有三種
(一)身長足高而性馴者(二)身偉足短俗名板橙腿喜狂吠(三)身小頭圓面凹視聽多敏曰巴狗毛有類獅子者又稱曰獅子狗

豬 色多黑頭與腰或雜有白毛亦有類獾子者爲人民肉食
第一大宗幾無家不豢養之茲分爲二種(一)頭小腹大

易肥俗曰荷包豬（一）長嘴大耳身與足稱可三四百斤俗謂之閩豬

野豬 色黑生於深林中性猛能食人大者可六七百斤數十爲羣

貓 能捕鼠也俗謂牡者狼爲貓牝者爲乳貓多黑黃色亦間有狸花者本境滋育不繁人家恒珍視之

兔 有家畜野生二種家畜者毛色純白或純黑長耳缺屨足前短後長躍而不及步性最易馴野生者與家畜者略同毛色雜或有白者最畏人故不常見

鼠 有家鼠花鼠鼫鼠飛鼠鼯鼠俗名黃鼠狼土人獵得其皮售之俄人獲利頗厚豆鼠灰鼠田鼠老鼠數種若家鼠花

撫松縣志

卷一 地理物產

三十九

鼠可供玩戲惟老鼠人所共惡俗稱耗子灰鼠極夥皮可爲裘至冬人多獵取其皮售之價亦昂貴飛鼠有肉翅在林間空中能飛體小俗名高力馬皮無用處

虎 面方頭圓狀似貓而大如牛巨目闊口鋸牙鈎爪短頸健鬚細毛長尾牡毛色青牝毛色黃犁間以黑紋一嘯風生聲震山谷獵者取之骨皮皆爲珍貴惟性兇猛獵人取之往往被其傷害

狐 形似狗畧小鼻尖尾大晝伏夜出聲如犬而直細毛如貉而溫本境森林中到處多有其色青黃者曰豆青狐淡黃者曰沙狐毛色赤者曰火狐又有白狐黑狐不恒見我國狐裘以北狐爲最珍出於本境者尤夥

狼 大如狗常五七成羣尖頭白頰鳴能大能小善爲小兒啼聲以誘人其猛捷者人不能制之則設種種方法捕獲之或設陷阱內藏小豕以誘之或用手礮以擊之其皮可爲褥品亦珍貴

麀子 形似鹿較小

狸 與家貓畧同性猛鷲或黑色或犁文比家貓較偉大身長二尺餘毛厚而細圓目炯炯足最敏捷恒入人家竊食雞雛

獾 形如豕體小而肥毛深褐色秋後薰其穴取之皮可爲褥去潮溼患痔瘡者坐之最宜

蝟 與鼠同類異種長尺許喙尖尾禿遍身刺毛故曰刺蝟能

撫松縣志

卷一 地理物產

四十

竊食瓜類捕得以筐覆之經宿則無咸謂其能土遁

鹿 本境多產之有梅鹿馬鹿兩種梅鹿較馬鹿珍貴牡者均有茸角牝者有鹿胎爲藥材中最貴品獵者恒於春季入山捕得之居人多有豢養者俗稱家鹿每屆春季割取茸角以製藥材家養鹿茸曰鋸角山獲鹿茸曰砍角砍角貴麀形似鹿而小其肉可食味同牛肉其皮爲褥能隔潮溼熊 山林恒有之全體皆黑身似笨拙而性特靈力最大恒食人畜其皮可爲褥其足供食用故熊掌爲食品中最珍重之物其膽能除肝火爲藥品難得之物治眼疾最爲有效豹 性似虎尤兇猛身有斑點色甚美麗故俗稱金錢豹爲特生之一種相傳爲虎產殊非其皮爲褥極稱貴重

貂 形似家狸產山林間獵人入冬捕貂者名曰蹶貂於雪地上認得其踪跡日夜追之倘遁入樹穴或石隙中以烟火薰之外張網捕之如一冬每人捕得三二頭即稱發財皮極昂貴可製裘帽俗稱關東三寶之一

獐狸 形似狐特大尾短多黃色雜以白沙斑點皮可爲裘爲特生之一種俗謂猿與狐狸相配合而生獐狸殊非蓋此地從無猿何來配合之有

水獺 狀似貓而長大尾色灰甚光澤皮可爲帽及領緣產額極少

禽類

禽有家禽野禽之別撫地民戶多由內地遷移而來普通家禽如雞鴨之類家家畜之若野禽在撫境江河交錯山林深邃異鳥珍禽所在多有每當春夏樹青水碧聽鳴聲之縉蠻如琴如瑟如笙如簧其悅人之心神有非言語所能形容者茲分述之

雞 種類不一大小形色亦異卵大而殼多紅者爲撫松本產足短身小卵白者爲高麗產種小毛羽密厚喜孵卵善飛者爲廣東產種毛與骨俱黑者爲烏雞餘有雙冠者兩腿毛護者形色各異凡村屯夜半羣雞無故亂鳴者常有胡匪之儼是雞雖常畜而亦靈禽也

鴨 雄者鳴聲啞啞尾有捲毛黑白褐三色頭綠雌者黑麻色聲甚大喜近水夏多露宿不善孵卵每以雞代之如行時雄前雌後輒成行列卵醃食爲佳肉於秋冬豢肥蒸調得

法鮮美無異南鴨

鵝 狀似雁色白或灰長頸大脚性靈晝夜有所見輒鳴而聲宏大畜者必雙

鷹 嘴長內曲如鈎爪亦最利猛展兩翼寬四尺許分黑黃二色翎毛各有橫文捕食兔雉獵戶養其雛馴使逐禽獸

雀鷹 即鷓也類鷹而小灰色尾有淡黑橫文以捕食小雀故名雀鷹

魚鷹 類鷹身小色灰碧尾短嘴長能向水面捕魚故名曰魚鷹 俗名鷓鷹嘴短毛長眼最快慣向空中盤旋下注尋食好

捕雞雛等物

鴟 俗名貓頭又稱夜貓子眼黃而圓大爪利而銳頭有毛角

撫松縣志

卷一 地理物產

四十二

雙峙如兩耳類似貓首晝伏夜飛好破他鳥巢食其子及卵入村鄉好食雞貓其鳴如撮口相呼如人鼾睡聲鳴時不歇俗呼哼虎所鳴之處鄉民稱有禍至

雁 形似鵝灰褐色鳴聲嘹唳飛則成行或如人字或如一字 秋南春北每就河湖沙中棲宿

鵠 水鳥大於雁羽毛白飛極高善步行一名天鵝又名黃鵠 形頗似鶴亦名黃鶴與雁異

鳧 俗曰水鴨又稱野鴨有大小兩種小者嘴稍圓結隊能高飛大者嘴扁與家鴨相似聲亦相同春初水解秋末水寒 咸臨河捕魚

鵠 俗名水老鵠有灰白二色高足長頸慣棲淺水捕魚得鱔

類屢吞屢洩末餘脊刺一條其巢每在高樹上時喜羣飛水鷺子小鳥也赤褐色馳行甚疾鳴聲响响沙灘河邊常見之翡翠水邊小鳥也雄赤曰翡雌青曰翠俗曰菘豆雀就河崖穿窟爲巢深二三尺

鵲大如鴉而長尾喙尖爪黑綠背白腹性最惡濕其鳴聲啾啾土人稱能報喜故俗名喜鵲其巢開戶背太歲如來歲多風雨巢必卑下

鳩毛色不一通曰斑鳩拙不能作巢往往孵雛於鵲巢

燕候鳥也春來秋去紫胸輕小者俗稱山燕常營巢於樑上黑而聲大者俗稱家燕常營巢於檐下

鶉大如雞雛頭細而無尾身有斑點雄者足高雌者足卑性

撫松縣志

卷一 地理物產

四十三

善鬪俗稱曰鶉鶉

雀俗曰家雀梁穀初熟菜蔬方生時被啄食頗爲農家害多營巢於檐頭喜食野蘇子

蘇雀赤褐色喜食野蘇子

豆雀色灰頂毛長眼後有黑斑文喜食冬青子

麻雀類家雀而大身多白斑喜食樹子麻子

棒槌雀春季初鳴聲類布穀而清細好聽俗呼人葭爲棒槌謂此鳥棲處有葭

烏鴉俗名曰老鴟身黑難辨雌雄老時不能覓食小鴉每打食返哺又名孝烏

鶉鶉分家鶉野鶉兩種性喜群飛逐月生卵孵雛鳴聲咕咕能

帶書信故行軍多用寄書商家用以傳遞市肆價格

鵠 類鳩而嘴大細長上半鈎曲頸毛有灰點鳴聲（類豹鵠聲）高而促喜巢樹窟

雉 俗稱野雞雄大雌小雄背赤胸黑頸有白毛一輪尾翎長尺許有黑橫文全身華麗可愛雌灰麻色人得之每以雄雌爲餽送佳品

樹雞 大如鴿似雉而小飛則成羣好棲樹上故名脚有毛山林中多有之肉比雉肉尤美嫩本地飛禽中食品此爲第一黃鳥 大如家雀身黃色山林中常見之

蠟嘴 身灰羽黑雄者頸黑雌則否嘴曲而厚作淡黃色故名蠟嘴鳴聲甚佳人多喜以籠畜之

撫松縣志

卷一 地理物產

四十四

啄木 俗呼啄木冠子嘴如錐長數寸形色大小綠黑不一惟舌根通腦後舌尖引之遇樹中蠹蟲雖潛穴隙亦能鈎取食之

蝙蝠 晝伏夜飛糞可作藥材（即夜明沙）

昆蟲類

爾雅釋物不遺昆蟲今之博物家尤以蟲豸爲研究動物之具蓋昆蟲爲宇宙間最多且微之物與人生有密切之關係其最有益於人者如蜂如蠶最有害於人者如蛇如蝎如蚊如蠅是撫地爲洪荒初闢之區荒蕪藎莽尤爲昆蟲所蕃滋其形狀詭異繁多有爲內地所無者試分述之

蛇 有草木水土四種草蛇能於草上行俗名草嘯子木蛇恒上樹覓食與樹皮相似俗名貼樹皮水蛇居水澤俗名水長蟲土蛇土黃色亦居土穴又有一種大於諸蛇皮作黑黃文俗名烏稍

蜥蜴 俗名馬蛇子體長四五寸背淺灰色腹白四足短山野間

撫松縣志

卷一 地理物產

四十五

多有之聞人足聲突奔數尺外潛伏斷其尾久跳不死
蟋蟀 有在家在野之異在野者圓頭形似阜螽而小色黑有光澤翼短不能飛而善躍多居黍禾田內或石堆中其在家者形與在野者略同色微蒼而有白花文應秋而鳴暑居庭外石砌敗垣中或居古牆頽壁下天漸寒則移進堂屋居竈畔俗呼曰趨趨即促織二字之轉音雄者性妒相遇必爭鬪

蠶 本境因氣候較寒僅有家蠶一種飼以桑葉身長寸許環節蠕動胸腹及尾有足六對或純白或兼黑紋不等四眠作繭而山蠶因氣候寒冷無飼養者

蜂 種類至多其黃色細腰者謂之釋蜂其色黃而黑大如螻

蛄齧木屑作窩居樹竅中曰木蜂俗名大麻蜂其色黑微黃以墻土作窩毒螫牛馬曰土蜂俗名地雷蜂其居草中比他蜂差小名草蜂慣螫牛馬皮內即生螭明春由螭仍出此蜂蓋藉牲血肉生子在房檐下齧紙作窩似蓮蓬倒垂數十爲羣者名黃蜂尾端皆有刺螫人皆害蟲也惟釀蜜之蜂比青蠅微大可取而養之蜂有王爲衆蜂之長一日兩出而聚鳴號爲兩衙有採花者有取水者歸則少歇如採無所得則經宿不敢歸房皆秩然有序是爲有益之蟲

螳螂 色灰或綠不等頭三角形複眼高突後腹大前胸延長其前二肢形若鐮刀故俗曰刀螂

撫松縣志

卷一 地理物產

四十六

蠨蠸 身綠有翅腹下紫灰色後二股長善跳榛莽間有之其雌者不鳴有產卵管扁長如刀鳴者爲雄聲甚清越兒童捕得畜之籠中飼以倭瓜花掛簷前鳴聲不輟

阜螽 形類蝗而色灰翅短股長善跳

草蟲 長二寸許黃褐色翅短不掩後腹鳴則扎扎有聲

蜚螽 野郊有之長寸許綠褐色翅堅硬飛輒有聲

螻蛄 田間皆有之土黃色長寸許翅摺疊掩後腹腹尖瘦起落有聲拍手吧吧作響喚之輒來

土螽 身小色灰翅長路旁草間有之慣尋人馬踪跡若求食焉
俗呼土螞蚱

扁擔勾亦螽類惟身細長色綠翅薄頭尖而口吐黃漿兒童時捕

燒食之

蜻蜓 頭大而短露目長腰驪尾翼薄如紗食蚊蠓飲露水六足四翼好飛水際交於水上附物散卵生爲水蠹化爲蜻蜓復生水蠹循環不已次者曰蜻蛉小者曰螞蛉

蜘蛛 本境所常見者一曰癩蛛色灰暗前有長足四對後腹圓大如栗每就籬邊結網絲軟而韌時或羅食蟲蠅之屬一曰喜蛛體細小褐色前二足甚長屋中有之其網少橫多縱每向人前拖絲而下俗謂主有喜事故名喜蛛一曰壁錢體扁平褐色結白網於壁圓如錢故名一種形小色黑屋中有之網細軟如綿絹蛛內藏不輕見又一種生田間紅足長於身數倍多見草木間又一種形極小黃褐色後

撫松縣志

卷一 地理物產

四十七

二足迴抱子囊囊白而圓豆田間多此類又一種大如粟粒而足長寸許行最緩屋內潮溼處有之又一種色紅身與足俱扁有孔即入俗謂其類多毒又一種淡紫色身小足短施單絲懸空不動墻孔多有之又一種身黃有斑點多生榛莽間

鼠負 一曰鼠婦又曰鼠蟠長三四分青灰色形扁橢圓背皆橫文前有二觸鬚旁有多足恆居溼地甕底與石下

伊威 亦作蚘蚘似鼠婦而大彎長鬚四足兩股空屋中多有之蟬 書中多有此蟲一名蠹魚

蚰蜒 體細長多足類南蜈蚣而小有黑黃綠紅四色陰溼之地有之每防其入耳多殺之味甚惡有毒

蠖 俗名草鞋底一曰錢串子體長八九分色暗黃兼有黑斑
點頭有雙鬚尾歧叉脚細長共十五對行極疾多在陰溼
之地

蚓 俗名曲蟾或稱蚯蚓白頭者可入藥

螻蛄 俗名地拉蛄一名天螻一名仙蛄穴土而居短翅四足腹
大腰細長寸餘雄者善鳴能飛雌者羽小不善飛吸風食
土喜就燈光若田中太多欲去之可夜間於田中爇火焚
之

蜣螂 俗名菌殼螂能以土包糞推轉成丸藏之穴中以備他日
之食

蟻 俗稱螞蟻色分黑黃各有大小善爭鬪鬪時各有行列謂
撫松縣志 卷一 地理物產 四十八
之蟻陣白山附近多蟻塚似墳形俗名蟻樓

蠅 分青黑數種有黑蠅綠豆蠅大麻蠅狗蠅等牝者腹大生
蛆蛆復化爲蠅喜聚污穢處能傳染瘟疫及一切毒症清
潔衛生者必設法驅逐之

螢 土人稱爲狗蟲或呼之棉花蟲今名螢火蟲夏令腐草生
螢至夜尾有光似燐火

蟲 即蚊也種類亦多一種長二分許形類蠅而背黑夜飛善
撲燈光天陰時較多一種色褐日夕結團旋轉蕩蕩有聲
小者名蠓蟲一種兩翼稍長棲時雙疊如一生榆榛葉內
一種身細色黃喜吸人血其幼蟲即污水中孑孓也一種
小於常蚊腹與足皆有白輪文喙毒銳刺人突起如卵亦

能傳染疾病故人多驅之

虻 大於蠅色黑黃不等喙銳能刺人俗呼曰瞎眼虻又一種長寸許色黑以產卵器刺牛膚生蠡春初生翼飛則爲虻今牛馬身上夏日每有出黑紫色血處曰蠡眼即此也俗呼此種曰草爬子

天牛 長寸許頭紅身黑如漆有觸角甚長多見於桃杏樹間有惡臭又一種體短色灰有芒刺俗曰老牛

斑蝥 頭紅身黑類天牛長祇六七分喜食豆葉近之有惡臭味
蜉蝣 長可六七分四翅尾有三毛如絲夏秋之交近水而飛朝生暮死

蝸牛 大如指頂殼有旋文行則負之觸角前矗若牛故名草叢
撫松縣志 卷一 地理物產 四十九
樹蔭處有之

蛭 俗呼蝎蟲凡木朽生之形色因木色而異常見者多白色
蝶 形色不一花樹間及菜蔬間之蟲以蛹化蝶者爲多鳳蝶大如蝙蝠青黑色翅有金文後一部分突出飄然若帶色最斑斕喜獨飛不多見又有黃蝶翅梢團後拖若帶而短花間恒見之其餘小蝶五色悉備值花開羣集燦若雲錦而粉白色者尤多

螻 生糞土中色白以背行駛
蜾蠃 亦名土蜂純雄無雌常以黃泥築窩於墻角檐下負桑蟲而爲子即螟蛉也

蛾 蠶蛾而外凡草木蟲以蛹化蛾者甚衆

害花蟲一種身長七八分形似蜜蜂無鬚無刺黃褐色吸食花液汁又一種黃甲兼有黑斑者喜嚙芍藥薔薇各花

害菜蟲一種爲螟蛉之屬長寸許色青俗稱曰青蟲食蕪菁菜菔各菜葉吐絲作繭化爲粉蝶一種形小色黃善跳嚙食嫩菜俗名曰地蛴蚤一種名地蛆長三分許色白多橫文蝕菜芥之根

害果蟲一甲蟲類大如元豆之半朱黃色兼黑斑點小果爲所食別生疤痕細長有橫紋一種形類紋腹小而喙長吸取果內甜汁其疤痕小而圓

害稼蟲一螟蟲長七八分背黃色有黑縱紋食穀稻葉天旱則生(二)捲蟲色青而小食禾葉復吐絲裹之使穗不得展

撫松縣志

卷一 地理物產

五十

(三)密蟲原名蚘蟲有綠赭黑諸色吸嫩芽新葉汁液由糞門排出引蟻聚食禾遂枯稿(四)油蟲似蝨較呀蟲尤小夏旱時散布禾稼葉間如油膩使禾不茂經雨則去

(五)蝎蟲背灰腹白多輪紋嚙節或根輒斷(六)穿蟲長寸許色紅嘴尖銳喜食苗根禾因以枯

毛蟲一種大如柞蠶毛長而黑或紅榛莽間有之一種長寸許毛長近頭處兩叢如角桑榆間有之一種食樹葉作小白繭化飛蛾一種長三四分背毛紅黃相兼頭部二叢尤高出如角就木枝爲小繭極爲堅固春初破殼出毛刺螫人俗名羊刺子又曰撥刺毛

屈步蟲長寸許色綠或灰不等行時腰穹窿上屈一步一步若以

尺量布園林中多有之

屁蟲 甲蟲之屬形橢色黃有黑斑點多見草間觸之尾部有聲發臭氣故名

蜚蠊 俗名蟑娘爲厨竈間之害蟲體扁平赤褐色喜就溫處群聚夜間睡後時爲所擾嚙肌膚則破

草虻 俗稱草耙子灰色頭類蟲而腹圓大生草間附於牲畜吸食而液雖飽不移然無後竅能吸不能洩故腹漸漲大若豐粟犬貓之耳亦有之惟甚小不易見

蚤 形小色黑善跳慣入衣被中吸人而液夏令生於溼地而新建之房屋尤多亦名蝮蚤

蝨 爲人體之寄生蟲而鷄豚之身亦有之惟鷄身所生者白人常沐浴則不生矣

蠅虎 亦名蠅狐灰色善跳徘徊壁間善捕食蠅亦有益蟲之一種焉

鱗介類

漁獵時代鱗介爲食品之大宗既進爲耕稼時代言食之所欲者亦必魚與熊掌並重近者東西列強湖海澤國亦莫不講求漁業爲富國富民之基礎撫地雖不濱海然林深壑遠江河貫穿魚類紛繁則鱗介之屬以特產著稱者有細鱗重唇魚及蛤什蟆之珍味故畧志之

鯉 口有雙鬚扁體大鱗有重數十斤者淞花江產極多

鯽 形似鯉色黑體促腹大脊隆而尖頭小口小河水池塘皆有之長者尺許離水一二日尙能生活

鱧 俗呼之曰黑魚又曰黑魚棒多居深澤大者三四十斤形長體圓黑色大鱗花紋似蟒有鬚鬣尾頭上有七小孔如

撫松縣志

卷一 地理物產

五十二

北斗星象俗云黑魚有毒然人亦常食之不甚甘鮮

鱖 長二三寸鱗細形狹腹白背青性浮善跳河內皆有之出水即死味鮮肉少俗呼曰白漂子魚荀子所謂浮陽之魚也重唇魚如鯽而狹色淡黃圓身大鱗而多肉多唇肉尤美因唇厚重故名大者重十餘斤春初冰開可網可釣鮮美之極

鱮 黃頰黃頰言其色異於他魚無鱗身黏滑鱮脊有硬刺手不可捉故必用罾以捕之俗呼爲黃口即頭圓口小尾部稍寬腮骨橫時軋軋作聲喜居深水各河內皆產之

細鱗魚口似重唇魚肉最細而美多居深澤大者有一二十斤小者三四兩二三兩不等在前清時代列爲貢品

沙鮓 哈呼沙咕嚕子身圓口小有斑鱗分黑黃二色重不過半

斤年久者尾禿寒露入沙祇露雙眼及霜降則深入不見
來年三月始出

草根魚嘴短身扁有鱗性善跳不易捕

馬口魚口大身小體扁有鱗上唇中缺口合時賴下腭餘骨補之
時與草根魚爲群

船釘魚長二三寸大頸闊口身扁鱗細黃色有斑見人則插喙泥
中孕卵時口生疙疸過時則無水內皆有之

鱓
似蛇無鱗惟尾稍扁有青黃二色大重斤餘身多液而滑
不易捕水濁可釣冬季冰結羣入泥中以有刃鐵鈎搭之
黏魚
狀如科蚪兩鰓能開閉無鱗身多液而滑不易捕口有兩
鬚深水及混水中產之

撫松縣志

卷一 地理物產

五十三

鱖
俗名泥鰍魚似蛇而短鰭有硬刺冬水結冰匿泥中故名
鼈
俗呼團魚與龜同類水居陸生穹脊連脇四緣有肉龜甲
裹肉鼈肉裹甲無耳以目爲聽可食者俗稱爲菜鼈亦可
爲藥材食時先去頭水浸經宿消除腥血調和乃鮮最能
補益

蚌
蚌與蛤同類而異形長者通曰蚌圓者通曰蛤今本境河
泊中所產者即臊蛤子殼圓色黑有紋肉臊不好食故名
老蚌生珠境內頭道松花江松香河諸流域產蚌最多故
土人於秋後多捕之俗名打珍珠佳品光耀四射故曰珠
寶有村濱江常得珍珠遂名爲珠寶村

蟹
因其橫行俗稱螃蟹雄臍尖雌臍團八爪雙螯殼圓芒短

春初冰解溯流而上脫殼洞居至秋而肥捕法以火照之則自出或以繩拴黍穗引之或用網取本境諸河皆有之
蝦 河蝦與海蝦同類而小味亦稍遜溪澗池沼者多草蝦身黑而屈亦可食俗稱此種曰狗蝦以之治痘疹合韭根搗爛服之發表有效

蝦蛄 俗稱喇咕形似蝦而前無長刺蟹身魚尾殼堅厚穿洞深藏山澗石下多有之捕多搗爛入袋如漉豆漿取汁熬熟類豆腐而味最鮮俗名拉咕豆腐

蛤什蟆爲水陸兩棲之物味香美可食體短上尖下廣後二足倍長於前足背純黑腹白爲雄紅者雌秋末入河及來年冰解就淺水泊產卵生子漁人每於秋冬捕得之出售外商

撫松縣志

卷一 地理物產

五十四

獲利頗厚爲本地漁產之大宗前清時代列爲貢品

青蛙 如蛤什蟆身綠或黃背有縱線二條如金伏於青草池塘鳴則聒聒不可食

田鷄 俗稱地雞較蛙肥大黑質而白紋寒時藏於窪田春耕輒見之亦可食

樹蛙 身小而綠腹黃或白慣棲樹間雨後輒鳴不可食

癩蝦蟆軀體肥大行動舒遲背褐色有痒磊夏令各處皆有吸食蚊蠅之屬其眉間所出白汁入藥曰蟾酥又一種類癩蝦蟆而小兩頰有氣胞漲縮成聲物小而聲宏大水泊多有之

水蠆 長寸許多輪紋六足雙尾水邊石下有之

水牛蟄類海螺而小殼亦最薄河中石下有之不可食

水蛭 俗稱螞挑池塘間多有之長至二寸許黑色無足行水中
如蛇口最銳慣附人畜肌膚吮血昔楚王吞蛭愈血疾或
即此物

水螳娘水中甲蟲也背赤褐色形如米粟腹與足皆黑多見水泊
中

水黽 黑褐色六足浮於水面而體不濡俗名水螞蟧

植物類

植物者凡直立地上具營養機關能自生活不能移動者概謂之植物凡草類木類穀類蔬類花類菌類藥類無不屬之不唯其種子其根葉其材料爲人所必需即其吸炭氣而吐氮氣亦爲衛生所切要撫松草萊甫闢一切農產物尙能畢具唯其天然森林干霄大木爲世人所難得者無不舉目見之此外如藥類之老山參園參尤爲中外所珍重應分志之

木屬

松 種類不一爲本境出產土人以結子可食者爲果松亦稱紅松松無子者爲杉松秋後落葉者爲黃花松又名落葉松脂多者爲油松葉細如針者爲毛松葉銳如刺者爲刺

撫松縣志

卷一 地理物產

五十六

松皮似魚鱗者爲魚鱗松白山附近莖似葡萄莖不高故名葡萄松

柏 本境亦頗有之若赤柏香柏俗名**楠**松味最香視爲最貴重品每以製箱櫃置衣不蠹製壽材經久不朽爲最上之木材也

槐 山中皆有之花入藥未開者名槐子可染色花黃葉橢圓莢長寸許

椴 葉大皮黑紋細微赤者曰紫椴相傳老山葎多生椴樹下皮可爲繩引火又可爲蓑衣

按說文椴木可作牀几讀若賈其字從段與從段者別朱氏駿 曰椴葉似桐甚大陰廣其下常產人葎高麗人作

人蓐贊曰三楹五葉背陽向陰欲來求我椶樹相尋
又爾雅椶椶注柚屬也子大如盂皮厚二三寸中似枳實
食之少味未審是此樹否

楸 類核桃葉羽壯大木細緻可製箱櫃之屬

刺楸 葉爲瓜形皮有刺木堅緻有花紋可製箱櫃之屬

茶葉 實如蝴蝶可爲黑色染料俗名山茶葉又名茶枝子

櫟 生山上者爲山櫟櫟質堅可爲槍桿又有水櫟櫟生近水
處皮厚無黑斑紋大者可爲棟梁

柳 與楊同類縱橫顛倒植之皆生而種類不一鄉村多植者
爲杞樹此柳長條下垂木性極柔用火逼以揉之可爲箱
籠羅圈之屬葉似桃而狹長花爲小穗春老絮飛似蘆葦

撫松縣志

卷一 地理物產

五十七

花鋪地如棉黃絲嫋嫋點綴村景亦屬不可少之木也縣
城以柳作柵可謂柳城撫城十景第一曰柳城春曉

楊 木名柳屬而葉大如柳有二種白楊葉芽時有白毛裹之
似梨葉而稍厚大淡青色背有茸毛蒂長兩兩相對過風
蔌蔌有聲高者十餘丈大者莖三四尺青楊比白楊較小
木亦聳直高數丈大者徑二三尺葉似杏而稍大色青綠
榆 有十餘種葉皆相似惟皮及木理各異刺榆白榆結子亦
異白榆結子片片如錢刺榆結子纍纍如粟嫩皆可食本
境榆類甚多美材以刺榆花榆爲尤佳刺榆可爲車軸花
榆理細可爲几案

桑 有家桑野桑之別家桑葉大莖半尺許微圓而未尖不結

實分根壓條皆可栽植野桑葉小而薄結實纍纍生青熟紅熟極則黑數十粒黏爲一味極美種之亦生但罕長大木材未經尺則木皮即裂木質色黃根皮外黃內白堅韌似麻可造紙入藥曰桑白皮本境氣候寒冷家桑有栽植者經冬多凍死

柎 似棣細葉葉新生時可飼牛皮理糾結質最堅俗呼柎筋子木大者爲車軸次於刺榆

柞 與柎相似但柎葉長而尖柞葉闊而圓柞樨枝有四稜木漸大則皮皴厚稜可爲木材

櫟 亦柞類土人多以燒炭火力頗猛

槭 小木叢生有刺實如耳璫色深黃中心黑赤幹直不曲有

撫松縣志

卷一 地理物產

五十八

細孔可刻爲杖子大如小錢圓扁均文理極細俗呼曰扁蚤核綫穿成串以供手玩

掛塔松寄松垂生長數丈迎風飄蕩遙望若彩

青剛柳亦柞類可爲弓葉較櫟爲薄早春發芽南城用以養山蠶爲秋季山蠶種本境森林多有之

煖木 類似黃構櫟木皮煖可包弓把細者可爲鞭桿及文明杖之用

荆條 皮有紅白二種紅者可爲筐篋皮黑而粗白者名鐵荆條可爲杖

白莢 刺長皮潤角如豬牙長而厚肥者多脂長而瘦薄枯燥子黑

山藤 亦木類枝柔韌可爲鞭桿今有用之爲文明杖者

老鸛眼 一名鼠李木堅緻有花紋可染色黑如老鸛眼故名鉋光
之節花現出圓潤如眼製爲文明杖亦甚雅觀

東瓜木似欗柳皮色青此木生於窪地葉橢圓而有鋸齒木紅而
泡入水久不爛土人多用墊井底

黃楊 木堅不易長山間皆有之製爲文明杖頗宜

冬青 寄生樹上葉厚微圓無筋子紅或黃經冬不凋

臭梧桐葉大色青八月莢熟似豇豆垂垂如穗木材最有用

楓 似楊葉尖缺刻分三瓣經霜則紅如二月花森林多有之
苦丁香葉厚圓有光花細成穗下垂分紫白二色生山者曰野丁
香山中多有之

撫松縣志

卷一 地理物產

五十九

樺 葉橢圓多紋木質細硬外皮千層極厚而色白層層可剝
以之裹溼物可不走水分木材富油脂溼即能燃白山巔
無樹見樹處即是樺樹樺樹以上不生樹因樺樹耐寒生
於最高處也

蔬類

葱 春發曰芽葱秋種曰白露葱味辛頗肥大爲蔬菜中調味之品

山葱 生於山間者故名與園葱同

韭 早春最美葉似薤而肥大高尺許六月由莖開小白花尖瓣六出攢簇成叢結子色黑如葱子今以爲常蔬

山韭 與園韭畧同作淡紫色獨莖一葉

蒜 有紫皮白皮二種紫皮者形大而瓣少白皮者瓣細小而多均可供調味之用

菘 俗稱白菜有二種肥厚嫩黃者爲黃芽白窄勁者爲箭桿白今有疙疸白及山東白種皆菘也

撫松縣志

卷一 地理物產

六十

芥 種類甚多似菘而有毛極辛苦謂之大芥其小者謂之辛芥或謂之香芥

芹 有園芹野芹之分園芹係單莖半圓粗如箸色青綠野芹莖粗倍之味殊香美

藕 即荷芙蕖之根境內水池有原生者亦有種植者

菠薐菜俗呼菠菜秋初秋末種之

蒿苳 俗名生菜由根生者葉尖闊由莖生者爲心臟形可生食
清脆適口

蕓薹 俗呼臭菜或稱油菜子可榨油種以秋末春初爲宜

蘆菱 俗呼香菜

茴香 一名懷香有大小二種高可四五尺葉裂如紛夏開小黃

花子黑色入藥

秦椒 俗呼辣芄結椒如棗上銳生青熟紅味辛土人多食之狀如柿子者俗呼柿子椒

萋蒿 葉似艾正月根芽生莖灰白色可生食今呼萋蒿菜

蕨 山蕨也初生狀如雀足之拳又如人足之蹶故名山中到處有之二三月生莖嫩時無葉取之以湯煮去涎滑曬乾作蔬頗適口根紫色皮內有白粉搗爛洗澄取之名生蕨粉

苦蕒 俗稱曲馬菜一種味苦者俗呼爲鴨食菜即茶也莖葉斷之有白汁味苦

葵菜 又名向日葵因其葵心隨日光所轉故名黃花大如盤俗

撫松縣志

卷一 地理物產

六十一

稱轉日蓮人罕有食之者

芋頭 園蔬一種來自南城勝於地瓜地豆哺乳嬰孩最良

地膚 俗稱掃帚菜嫩可茹老時可爲掃帚子入藥名爲地膚子

薺 苗葉略似鳳尾草初生貼地如盤三四月間黃花抽莖作

臺一種毛薺白花結莢如小萍而有三角密綴莖上子細如沙折其莖作燈杖可避飛蟲之投

蓬 俗稱羊蹄葉春生苗葉狹長一二尺似牛舌莖高三四尺餘色青節間微赤夏初起臺開青白花成穗結子三稜外皮大如蕎麥而實小夏至即枯子名金蕎麥根似大黃

胡蘿蔔此菜分黃赤二種苗如邪蒿不可食冬月掘根生熟皆可啖

擘藍 南方謂之芥藍葉可煮食北人謂之擘藍根醃食甚脆
蘿蔔 圓而皮紅者爲大蘿蔔長而色青者爲青蘿蔔有根葉皆
小四五月間擷之作沮者爲水蘿蔔

山藥 本名薯蕷亦可入藥實生於蔓根長至尺餘形不似鈴薯
越瓜 種來自越一名稍瓜短者爲菜瓜脆者爲脆瓜按菜瓜類
似甜瓜惟其形較長味略酸

黃瓜 即王瓜月令孟夏之月王瓜生爲土人常菜結瓜時色綠
形細長身有刺

苦瓜 一名錦荔枝俗名癩葡萄又名癩瓜味苦而皮癩美麗可
愛

南瓜 二月下種四月生苗蔓延可十數丈葉狀如蜀葵大如荷
葉六七月開黃花結瓜正圓如西瓜皮上有稜如甜瓜一
本可結十數個其色或黃或綠或紅經霜後收置暖屋可
留至春肉厚色黃食之尤佳

倭瓜 瓜色黃形圓俗呼柿子瓜按種子不同故有圓長之別然
味無甚異

攪瓜 形橢圓類倭瓜而小老則皮硬肉生筋絲醬醃蜜餞皆可
食食時以筯攪之其形縷如切者

西瓜 形如扁蒲而圓色青翠味甘脆中有汁今本境產者以瓢
紅黃白爲多

土瓜 即地瓜味甘煮燒食尤佳

地豆 即土苧學名馬鈴薯近東西洋用以爲佐餐常品本境土

脉最適宜山林新墾之地大者每枚重三四斤爲他處所未有若運輸便利可運售外國亦特別之出產也

打瓜 形似西瓜而小味甜而酸瓢白黃子大熟後剖取瓜子炒食最佳

冬瓜 一名白瓜形類枕皮白如粉塗其子亦白味最美

葫蘆 狀大小不一夏末始實秋中方熟霜後方成可剖之爲瓢紅花菜即山丹花又名野百合高二尺許紅花五瓣山間到處有之雜生野草中望之如錦

祥穀菜根如山蒜而小生於田野間俗名小根菜春日早生可炒食之按即薤也

酸漿菜葉橢圓根紅嫩者酸而可食根深而滋蔓剷去復生最足

撫松縣志

卷一 地理物產

六十三

害禾苗

河白菜葉如白菜而厚生近水田間炒之可生食

茼蒿 花葉微似白蒿其味辛甘春種四月起臺高至二尺開深黃色花如單瓣菊花醃食炒食均宜

藜 南人名臙脂菜亦曰鶴頂草皆因形色而名嫩時可食老則莖可爲杖

茄 有白色青色紫色各種形以長形者毬形者爲多

蘑 名類甚多本境森林草地中遇陰溼之天到處皆有之若油蘑形似草蘑柳樹蘑灰白色惟新性採食味美苕帚蘑色白味美亦新性爲佳草蘑形同榛蘑生於陰腐落葉間松傘蘑生松樹下色赤味美榛蘑生榛科下高脚灰白裏

黃蘑生樹窟中色黃味美食品所珍榆蘑根腐所化其餘若黃者青者凍青羊肚雞豚銀盤等名屈指難數本境產者極多爲輸出品之大宗

杏葉菜葉如杏土人呼爲杏葉菜本境山中多產之

明葉菜俗名和尚頭

龍芽菜有二種樹龍菜俗稱刺龍芽葉似椿而大初長刺條來年於頂上吐芽採食之甚佳地龍芽俗稱苦龍芽生於地上味苦亦可食之本境各山多有之

廣東蕨有紅青二種苗叢生紅紫色味勝於青蕨

貓爪菜生不擇地葉形如貓爪初春發芽採食頗美

疙疸菜種自俄來惟在本境所生者不如俄菜大是以天然地利

撫松縣志

卷一 地理物產

六十四

關係也

絲瓜 長者數尺其狀蜿蜒如蛇瓜時以石墜之則直老則筋如亂麻

糖蘿蔔色白最大榨其汁可以製糖

穀屬

黍 俗稱糜子去殼爲大黃米晚種早熟邊地最宜葉平行高三四尺穗狀下垂成熟先將穗割下防雀類之食也未最黏作飯最佳

稷 有二種黏者謂秫不黏者謂稷總之皆黃米屬可釀黃酒蜀黍 俗呼高糧爲飯爲粉食品頗佳亦可燒酒糟粕可飼牲畜稽可以織簾造紙

黏蜀黍殼分黃黑兩種與蜀黍無異但性最黏又一種苕帚黍性黏穗長可製爲帚

稻 有白紅二種黏者爲糯不黏爲粳多種於水田去殼爲米作飯味最香美

撫松縣志

卷一 地理物產

六十五

黏稻 即糯米味甘香可釀酒亦可爲糕粽等食品

粟 穀之最細而圓者爲粟穀曰飯穀米曰小米色黃粒小
小麥 苗生如韭長成似稻高二三尺實居殼中芒生殼上生青熟黃春種夏收

大麥 大麥與小麥芒葉相同惟芒較長於小麥而小麥食法極多大麥只可碾米作粥飯及飼馬作麩蘖之用此其異點也

蕎麥 伏種秋收高一二尺花白色實成三角形種子皮色黑內粉細白味佳美境內晚田多有種者可以製麵

稗 宜下濕地米最甘滑不舂時可飼家畜稽可餵畜或苦房俗稱稗草

稗 多生稗地甘滑如稗爲稗與稗之花粉混合而生土人謂稗所化殊非俗名粳稗草

玉蜀黍葉莖似蜀黍而大穗生莖半子藏包中俗呼包米本境土人用爲常飯漚爲米粉食品頗佳

西番穀苗高如蜀黍葉如穀穗如蒲棒亦可食種者少俗名西黏穀又名西方穀

高麗穀穗大紅色類雞冠花本境韓僑多種之

薏苡 俗名草粟子入藥曰薏苡仁種宜窪地

脂麻 即麻油俗呼芝麻油曰香油爲油類中最上品味最香故名

蓖麻 俗名大麻子可榨油今西藥房所賣蓖麻油即此

撫松縣志

卷一 地理物產

六十六

蘇 有紫白二種子能榨油產宜高地今市售蘇油即是也

大麻 皮可漚爲麻曰線麻可絢繩爲日用必須之品近外人竟有漂鍊以之織綢段者

大豆 今有黑白黃青諸色色黑者曰黑豆又名烏豆又有大烏小烏之別味苦不可食色白者俗稱白眉豆色黃者俗稱黃豆色青俗稱青皮豆總之均稱大豆本境出產最多以之榨油作餅爲出產之鉅額

小豆 有蠶白赤黃數種可以作飯製粉

綠豆 俗稱綠豆性甘寒清熱解毒較大豆粒小而圓與諸色大豆形性俱不同可製糕餌漚粉可製條粉粉皮生芽可爲蔬

豌豆 嫩時青色老則斑麻性不畏寒不擇土地種者甚多
豇豆 有二種長而肥者充蔬皮薄者秋成食子食打豇豆
藟豆 莢形扁故名可爲蔬
菜豆 如扁豆而狹長可爲蔬
刀豆 豆莢生橫斜如人挾劍故今稱之曰刀豆
雲豆 種自雲南來故名雲豆味頗佳子有白黑灰紫等色莢有
長短

花屬

山牡丹木本花色不一重瓣有徑七八寸者於初夏時盛開山林中往往見之甚美觀

十姊妹莖似玫瑰而小一枝數朶相簇不甚可觀

玫瑰花小葉橢圓葉有刺花重瓣紅者可入食品黃者花微小俗呼刺玫野開者花皆單瓣色紅子赤名山刺玫

鳳仙花莖有紅白色葉長而尖似柳桃開花時頭翅羽足俱翹然如鳳狀俗呼指甲草性能透骨子入藥

生菜連花有紅白二色單瓣朶大內生核有子入藥名罌粟虞美人似生菜連而小

翠娥眉隨時側映鮮研有致

撫松縣志

卷一 地理物產

六十八

蜀葵花花色不一俗呼黍菊花紫者可染色紅白者可治帶疾

向日蓮即葵花

荷花 即蓮花有紅白二色大而可觀

雞冠花六七月開花形如鷄冠有黃紅白數種花最耐久霜後始焦子在穗中黑細光滑

高麗菊似草芙蓉而小花黃赤色

指甲花即金針菜花喜生陰地花六出四垂嫩時採之可食六月菊金錢花旋覆花皆此也

山臙脂花一名臙粉豆花紅黃紫白諸色類牽牛花喇叭狀又名粉團花

紅藍花俗名紅花亦入藥園圃中多有種者

金盞子花花黃如盞秋深猶茂

玉簪花此花處處有栽種者最畏日光宜植陰溼之地二月生苗
成叢高尺許柔嫩如白菘葉大如掌葉紋如車前草嫩鮮
無比花開二三寸長

捲丹花六出四垂大如山丹先結子枝葉間入秋開花於頂根如
百合俗名捲蓮花

石竹花枝如竹而小葉細長花單瓣色雜俱備

秋葵花色正黃開亦向日與向日蓮各爲一種

荷包花亦海棠類花紅形似荷包鬚與花下垂故名亦名荷包牡丹

撫松縣志

卷一 地理物產

六十九

百日紅木本花如丁香

千日紅草本葉狹長有粉色開於枝稍至冬葉雖萎而花不落俗
名乾疤花

江西臘花花似菊色亦不一枝頗搖曳又名夏菊

綉毬花叢生如毬

菊花 本境天氣稍寒諸花皆晚開惟菊開應節於秋季之月盛
開美麗可愛

凍青花葉如柳而圓新葉生舊葉始脫花紫色春夏方開

月月紅即月季花

佛頂珠亦鳳仙花之類特獨莖花開莖頂上大如鳳仙花數
倍

韃子香常綠灌木高一二尺鐵葉春間就雪中開淡紅花色燦爛
可觀白山巔極多

撫松縣志

卷一 地理物產

七十

草屬

青麻 原濕之田種皆相宜葉大皮青高幾及丈夏末時熟花黃色半花半果時刈穫之漚水中數日剝皮爲麻用途甚多菸草 本境所產之黃菸葉肥大味最香美

藍靛 莖高二尺許葉如蓼開小紅花成穗葉漚爲靛可染衣裳亦入藥

茜草 蔓生莖中空葉橢圓夏日開小白花根可染絳以山中產者佳

芸香草葉類豌豆而細叢生高一二尺乾時益香夏開黃綠色花葉又避蠹

銼草 即木賊多生山野中乾時可治木器又可入藥

撫松縣志

卷一 地理物產

七十一

葦 水塘多生之不及潮水所及之地堅大適用

羊草 生山野間長尺許莖末圓勁如松針黝色油潤七八月刈積之經冬不變可用飼養牛羊亦可製爲帚刷

莎草 此莖宜編蓑衣

馬蘭 似莞而細可爲蓆秋刈之冬可飼牛商人且用以束物狀似蒲而細小花色藍無香味可染色根可爲刷白山下平原無樹者俱生馬蘭

老少年土人謂之老來變亦曰老來少春夏葉色青黃至秋則漸紅如花又一種六月葉紅者名十樣錦

香蒲 俗呼蒲棒又一種臭蒲名菖蒲

菰 俗名茭草春生筍亦可食

水葱 生水中如葱而長又名翠管可爲席

蓬 土人統稱爲蓬子

芄蘭 蔓生草綠而厚斷之有白汁子長數寸俗名蒯拉瓢又稱
雀瓢籬及樹上多生之秋老自裂子如毛白絮隨風飄散
來年自生

貓兒眼草及狼毒苗生時摘葉有白汁葉紋如貓眼山地多有之
有毒

佛手松 一名拳栢又名萬年松生於石上拳彎如雞足可爲菸之
佐料

水稗草 湖泊四邊多有之可牧畜

莠草 俗曰狗尾草有害田苗

撫松縣志

卷一 地理物產

七十二

章茅 如荻蘆而細可苦房每節有二穗高四五尺一名礮礮草
黃蓓草 一名黃稗草又名羊草層層有節可代草茅本境各山有
之

荻 又謂之荻蒿或曰牛尾蒿白葉粗科叢生多者數十莖可
作燭跋出葉如藁本而細開繁碎小花纍纍如粟秋老結
子細如沙落地自生荒塚廢廟中多生之

金絲草 生於垣牆頂上者多可醫嗽咳

靱鞣草 各山皆有之農人冬時墊靱鞣中用以暖足又可製紙長
白山脈之特產關東三寶之一也

茨 一名蒺藜又名爬山虎附物甚堅莖三角形有刺布地蔓
生赤足者不敢行

果屬

櫻桃 樹不甚高春初開紅白花葉團有尖及細齒爲叢生之植

物結實時須衛護否則鳥食無遺五月間盛熟味多酸

杏 本境處處有之種類亦多黃而圓者名金杏熟最早其扁

而青黃者名木杏山杏多不勝數深赭色核大而扁乃接

成者其味最美曰金杏又有白杏熟時色青白或微黃味

甘淡而不酢

桃 性早花易植而子繁核仁入藥核種易出

松子 今本境最多俗名松塔塔中子可食如榛而長每塔約數

百粒

榛 生山谷中樹高數尺子如小栗二月生葉葉多皺紋有細

撫松縣志

卷一 地理物產

七十三

齒及尖其實作苞三五相粘一苞生青熟褐其殼厚而堅

其仁白如杏仁而圓大

梨 種類甚多有接梨香水梨平頂香或鮮或凍或蜜濺又有

酸梨皮黑而酢梨乾亦爲珍品

棠梨 山林有之樹似棠而小葉邊皆有鋸齒二月開白花結實

如小棟子大霜後可食其樹接梨及頻果最佳

葡萄 有園產山產二種山園葉實均相似惟園產者大而味佳

本境山產極多園產因氣候關係栽植者無之白山最高

處生有葡萄高不盈尺其實甘美無比俗稱高力葡萄

李子 樹高五六尺綠葉白花樹能耐久其子大者如卵小者如

彈如櫻其味有甘酸苦澀其色有青綠紫朱黃赤縹綺臙

脂青皮紫灰之殊本境李子其味最甘

稠李子一名櫻額梨果形如野葡萄而稍小味甘澀

山椗子葉似稠李實小而圓柄極長熟時蜜濺甚佳

菱 有紫有黑形有兩角三角四角各狀

蓮實 莖出水數尺莖端巨顆形如椀名曰蓮房實生其中如嵌
每房十餘粒或廿餘粒不等粒橢圓有尖嫩時青色可食

兼以充蔬

花紅 葉橢圓有鉅齒暮春開花色白有紅夏末果熟形圓而紅
味酸

山核桃生楸樹上形似胡桃而長殼堅厚仁肉味頗香美

馬鈴薯根結實大小纍纍可爲蔬飯又可製粉條俗名地豆子

撫松縣志

卷一 地理物產

七十四

歐李 叢生高二尺餘葉似李實如櫻桃味極酸澀

托盤 葉橢圓有刺實如桑葚本境山野中極多

燈籠果俗稱紅姑娘外垂絳囊中含赤子如紅櫻經霜後囊子均
紅味甘酸可食

猿棗子木境山野中產者極多莖藤性俗名猿棗藤子實狀如鷄
心俗稱爲黑瞎子食品

無花果落葉灌木葉橢圓質厚花細隱於花托中寔爲肉果色紫
無核

高力葡萄蔓狀灌木葉爲掌狀食頗甘芳白山顛極多俗名護地
皮萬紫千紅頗燦爛可觀

藥屬

人參 有園野之分栽植者謂之園蓂山野產者謂之大山蓂本境產額極多

茯苓 生松下抱木者爲茯神大山多老松茯苓茯神及松香時有之

因陳 本草綱目曰此雖蒿類經冬不死更因舊苗而生故名因陳二月生苗莖如艾九月開黃花細瓣結果大如艾子俗名萬年蒿語云二月因陳三月蒿此也

五靈脂即寒號蟲糞寒號蟲即蝙蝠也

牛蒡子葉大如芋而長實似葡萄而褐色外似栗球而小多刺根有極大者作菜茹益人一名惡實葉大者亦可爲火絨俗

撫松縣志

卷一 地理物產

七十五

名老母猪啞產於山野

藁耳 俗呼蒼耳子有刺多掛人衣

漏蘆 此草秋後即黑異於衆草故有此名生山野者花紫色微有白毛蕊黃色三月花開根入藥可下乳俗名毛骨突花是也

白丁香即家雀糞人藥

郁李子俗名歐李子亦名郁李仁

五味子蔓生葉厚而光夏末開白花實紅色因蔓藤中具五味故名本境產者極多皆入藥

白附子苗與附子相似根如草烏頭之小者長寸許乾者皺紋有節一名節附俗呼兩頭尖本境出產亦多

細辛 葉潤而尖有長柄生於莖花黑紫而三瓣根多鬚入藥一名少辛

黃精 初生苗土人採食之名筆管菜高半尺許葉長而寬夏初開白花下垂如鈴結實如黑豆曰黃精本境各山均有之玉竹 莖有稜葉橢圓形有平行脈花色微白兼綠形如小鈴根入藥似黃精苗即小筆管菜又名葳蕤

芍藥 撫松所產有園植者亦有在山野者芍藥爲草中之花有宿根春暖茁地生紅芽尖銳如筍莖高二三尺傍生岐枝一枝五葉略似牡丹而狹長花開四月中色分紅黃紫白或粉紅皆可供玩賞赤芍即芍藥根惟山野者花多單瓣艾 宿根易生莖高數尺葉似菊面青背白有茸而柔厚刈曝

撫松縣志

卷一 地理物產

七十六

乾之點火不熄醫家取之灸百瘡故名灸草又名醫草百合 根如蒜頭有瓣又一種名捲丹子生葉間又山丹似百合而小根皆可食蓋一類三種惟百合入藥

車前 好生道旁布葉如輪俗呼車輪菜抽穗結子即車前子

桔梗 有甘苦二種即杏葉菜

五加皮五葉交加故名宜瀆酒

貝母 花白葉似韭其子在根下如芋子色白本境之出產最佳龍膽草葉對生有三縱筋夏開白花根味苦

遠志 苗名小草即詩之蓼也

貫衆 葉圓碎一枝而衆葉貫之又名鳳尾草入藥用根

石葦 其葉生苔上背陰處亦可採以代茗

衛牙 幹皮薄旁展者剪羽

柴胡 葉狹長互生夏日開小黃花根入藥質硬者竹葉柴胡質柔者韭菜柴胡

防風 葉似青蒿而短小莖四稜高一二尺五月開細白花實似蓴荈子而大根土黃色可治風病故名

薄荷 莖葉似荏而尖長二月宿根生苗清明前後分之方莖赤色其葉對生初蒔形長而頭圓及長則尖園圃皆有之

女貞子即桑寄生桑樹上之凍青也

獨活 莖葉皆有毛小花五瓣一莖直上實紫色根入藥按此草服之有風可止無風轉能引風

苦參 葉互生夏月開黃花成穗結長莢子如小豆根入藥

撫松縣志

卷一 地理物產

七十七

升麻 莖高二三尺夏開白花根紫黑而多鬚去鬚用之

荊芥 莖柔輒爲箭鏃形秋開綠色小花

扁蓄 莖弱有節葉細如竹三月開紅花

牽牛 即黑白二丑俗名喇叭花入藥黑者力速

紫草 葉略似雞冠莖葉俱有白毛夏日開小白花於頂根又爲紫色染料亦名茈草

王不留行 葉似酸漿子似菘子三月收苗五月收子葉對生無柄花如鈴鐸實如燈籠子黑色入藥

白頭翁花紫色而有白毛蔽之近根有白毛下垂

芫蔚 今名益母草葉略似艾而細碎初夏開淡紫花產婦服之有益故名

夏枯草亦茺蔚之屬方莖白花夏至即枯故名

藁本 五月開白花八月結子根紫色味最香

蛇床 田野墟落甚多花葉正似薜蘿葉青碎叢生似蒿苗高二三尺枝上有花

蒼朮 即鎗頭菜根形如薑蒼黑色而肉白

大薊小薊 二者葉刺相似田野甚多二月生苗二三寸時併根作菜茹食甚美四月高尺餘花青紫葉多刺俗呼千針草又曰牛戳口有大小二種四月採苗九月採根並陰乾用小薊土人得下淋病者煎湯當茶飲之二三星期即愈婦人白濁崩漏如上法服之即愈皆百試百驗大薊苗根肥大性不與小薊同

撫松縣志

卷一 地理物產

七十八

急性子鳳仙花子也成則自裂故名

麝香 麝臍中香也生得最難

牛黃 多於牛胆中得之成鷄卵及各形狀黃入水則破

猬皮 刺猬皮也

蜂蜜 蜜蜂所釀者可用

白蠟 蠟樹所生者蠟樹即舉柎也

原蠶沙晚蠶矢也淘淨晒乾用之

桑螵蛸桑樹之螳螂卵也

滑石 色白微綠有珠光質極軟

僵蠶 以頭蠶色白未吐絲者糯泔浸一日漉起焙乾用之

蒲公英生平坦田原中莖葉似苦苣斷之有白汁味苦到處有之

即地丁也四時常有花花罷飛絮絮中有子落處即生中心抽一莖端出一花色黃如金錢俗名婆婆丁

虎骨 其功用極大可治腰腿疼痛麻木不仁等症貴重藥材也
熊胆 明目者也能治眼科諸疾

鹿茸 補品也為藥材中最貴重之物

山羊血貴重藥材也為婦科聖藥治跌打損傷最效

鹿胎 補品也能治婦科諸虛百損聖藥也

菌屬

木耳 俗名黑菜生於已腐之柞櫟栲栳木之上有春耳伏耳秋耳之分色黑狀如地加皮價值次於榆蘑

元蘑 俗名黃蘑亦名凍蘑每年於白露後則寄生於已腐之椴木上色黃味美

榆蘑 生於榆樹當春夏之間由樹皮裂處流出一種黏液色紅凝結長成即爲榆蘑菌屬中最貴品入藥可治痢疾

榆黃蘑生於已腐之榆木上色黃當夏日雨水連綿之時出產最多

榛蘑 生於七八月之榛樹叢中色灰黑味次於元蘑價值低廉青蘑 春秋皆有之多生於楸樹根或裂皮處灰白色味最鮮

撫松縣志

卷一 地理物產

八十

松杉蘑生於七八月之松杉叢中色紅味美爲菌屬中之上品也陰天樂長白山多有之形似海綿網狀晴天則縮陰雨天則勃然煥興故名陰天樂雖不可食亦別具特性

掛塔松寄於松樹垂生長數丈迎風飄揚狀如帶又似結彩俗呼爲掛塔松

鑛產

當今富強之國莫不注重鑛產撫地深山大林中鑛產當必豐富惜少人跡發現殊少其蘊藏之程度固不可知茲將已發現出品頗佳者志之

松樹鎮煤礦 民國十二年董華亭呈請開採計距城九十里許

鷓窩砬子白金礦 在城東南三十里許鷓窩砬子江底金苗發現其色白前經孫繩武曾往開採祇因水深無法可採停止

湯河金鑛 在城西南百里許湯河裡產金其色黑數十年前曾開採現早停止

撫松縣志

卷一 地理物產

八十一

萬兩河金鑛 城北二十里許萬兩河頭道西北岔產金其色黃金苗甚旺故有萬兩河之名惜未開採
馬鹿溝煤礦 距城六七里係無烟煤質頗硬不易然此係新採之上層者若下層質或當有良者

氣候

按撫邑地處極東山多地少民戶星散樹木叢雜清明始解凍立夏方播種稼禾未熟常遭霜雪之苦氣候嚴寒於此可見矣茲將寒暑度數列左

立春 寒暑表 晝九度 夜六度

雨水 寒暑表 晝一〇度 夜七度

驚蟄 寒暑表 晝一二度 夜九度

春分 寒暑表 晝一八度 夜一六度

清明 寒暑表 晝三一度 夜二六度

穀雨 寒暑表 晝四〇度 夜三〇度

立夏 寒暑表 晝五一度 夜四九度

撫松縣志 卷一 地理氣候 八十二

小滿 寒暑表 晝五四度 夜五〇度

芒種 寒暑表 晝五五度 夜四八度

夏至 寒暑表 晝五八度 夜五四度

小暑 寒暑表 晝六六度 夜六三度

大暑 寒暑表 晝八八度 夜七〇度

立秋 寒暑表 晝九〇度 夜七一度

處暑 寒暑表 晝七〇度 夜六〇度

白露 寒暑表 晝六二度 夜五八度

秋分 寒暑表 晝五〇度 夜四二度

寒露 寒暑表 晝四八度 夜四一度

霜降 寒暑表 晝四〇度 夜三八度

| | | | |
|----|-----|------|--------|
| 立冬 | 寒暑表 | 晝三五度 | 夜三〇度 |
| 小雪 | 寒暑表 | 晝三〇度 | 夜二六度 |
| 大雪 | 寒暑表 | 晝二〇度 | 夜一〇度 |
| 冬至 | 寒暑表 | 晝〇度 | 夜〇下十度 |
| 小寒 | 寒暑表 | 晝〇度 | 夜〇下二十度 |
| 大寒 | 寒暑表 | 晝〇度 | 夜〇下十度 |

撫松縣志

卷一 地理氣候

八十三

古蹟名勝

撫松草莽初闢地又附近白山林木蒼鬱山谷幽深猛獸充斥聞
百年前始有放山採人參者曰放山打圍者必三五結隊始敢行獵其中野餐
露宿過而不留自國家設治僅及二十年古代之建築概付缺如
名人之踪迹更無可得唯文華洞石壁有花鳥草木之紋及古泥
盆與夫城南之蓮花泊或爲古人之所留餘絕無可尋者若云名
勝既有長白山坐鎮其東南上有天池且通潮汐即此一山直可
超越東瀛富士日光諸名山之上若內地之嵩華岱衡更非其比
矣此外如猴石之偉大逼真抽水洞之急湍下漩更具特別之異
景若烟筒砬子張鳳草頂子土頂子東西馬鞍山三聖嶺諸峯均
極峻聳之妙他日山林盡闢遍爲探索則天留勝跡必更有可觀
者至人留之名勝政蹟如張公新標之撫松十景皆即地生景取
名新穎又各有題咏照片頗耐玩味後之人若能保存點綴之千
百年後安知不足與西湖白蘇二隄孤山雷峯諸名勝前後媲美
哉故爰志古蹟名勝如左聊見一斑耳

長白山

長白山峰巒之特起天池之幽深已見前山脈志及張公白山天池記矣似無庸復贅然綜覽全山奇峰大者有六小者有十此十六峰頭別饒興趣各具奇觀又安能略而不誌哉一白雲峰在天池西岸北偏爲白山羣峰之主自池至巔高十三里山峯矗立聳入雲霄登臨一望大有飄飄欲仙之概二冠冕峯在天池東南自池至巔高約十餘里層巒疊嶂氣象萬千望之如冠冕又呼爲雪山峯積雪深不可測並有冰川時有炊烟一縷縹緲其上相傳爲仙人煉丹三白頭峰在天池南稍東自池至巔高十一里山勢崎嶇莫可名狀石色白如雪因呼爲白頭山四三奇峰在天池正南自池至巔高約十一里許峰如三人並立又名三人峰嵯峨嶙峋

倒影蕩漾景緻幽深誠大觀也五天豁峰在天池北岸東偏雙峰並峙高約十里許峰下有石隱有蝌蚪文字不可辨認相傳爲禹王所鑄六芝盤峰在白雲峰北五里許高約十里山中氣候溫暖冬日他山皆積有厚雪此峰獨無亦別具特觀者也七玉柱峰在白雲峰西南二里許爲白雲峰之輔峰高九里秀拔高聳狀如玉柱崎嶇險峻不可攀登饒有玉柱擎天之概八梯雲峰在玉柱峰南二里高七里積雪甚深上有瀑布下流爲梯子河山勢險峻水聲澎湃亦大觀也九臥虎峰在三奇峰之南形如臥虎故名臥虎峰山勢凜凜怪石嵯峨偶一登臨則驚神駭目大有戰戰兢兢之概十孤隼峰在紫霞峰東南偏一峰矗立形如鷹隼故名孤隼峰山勢雄壯草木幽深別饒奇觀十一紫霞峰在天池正東南與孤

隼相連高八里怪石嶙嶙錯落生動雲霞繚繞瑞色朦朧入夜望之閃灼有光或言上有寶石十二華蓋峰在白頭峰北偏狀如雞冠花故名華蓋峰峭壁絕巖異禽秀草賞心悅目大有觀止之嘆十三鐵壁峰介於錦屏梯雲二峰之間山石壁立樹木蔭翳登臨一望萬景在目十四龍門峰在天池北稍西蜿蜒如龍當二道白河發源之口如門戶然故曰龍門峰其上多瑞草異禽崇厓峻壁形勢雄壯十五觀日峰在龍門峰西二里許登其峰可觀日之出沒故曰觀日峰十六錦屏峰在鐵壁臥虎二峰之間形如屏故曰錦屏山光戴翠雲霧迷漫五光十色頗足留連天池深不可測鴨松圖三大江源皆出白山山陰山陽均有湯池山陽附近龍潭四處雖小於天池然深亦不可測其四走山脉如吉林如遼寧如山東如朝鮮各山岳皆其本支其氣勢之雄渾遠非他山所能及我國若能建築電汽車道直達其巔任中外人士遊覽爲東亞第一名勝矣

撫松縣志

卷一 地理古蹟名勝

八十六

文華洞 俗稱仙人洞在縣城東南八里許馬鹿溝裡洞高七八尺寬五六尺曲折幽深險不可探甫入洞廓而容距洞口數步有一石台上置泥盆色黑製粗拙非近式盆邊殘缺似爲土侵無歎識莫能詳其時代洞內石壁多作雲形禽鳥蝴蝶蝙蝠草木諸形狀花紋清宣統二年設治員許公位三命名曰文華相傳爲清初某道士所鑿清光緒初年道士王海濤重修行理有好事者持燭探之初入須俯首再行則寬敞半里許則漸坡下取石擲之如墮山谷聲然自往而返燭燼無

餘洞之深淺終不可測

鷓鴣砬子 在縣城南三十里許有石巒壁立千仞高不可登遙望半空有石平坦方約丈餘鷓鴣窩在上係以樹枝構成異常鞏固不知造於何時迄今形跡猶存故其地以此爲名焉

猴石 在縣城東四十里許松香河岸有石屹立高數丈遙望之如蹲猴因稱猴石

蓮花泊 在縣城南二里許有水泊周圍四十餘丈水深六七尺中植荷花相傳係清初韓某所植每當夏季荷花盛開遊人不絕爲撫十景之一曰蓮池泛月

湯泉 湯泉有二一在縣西南五十里湯河北岸湯河以此得名一在緊江上源白山巔附近有溫泉湧出水熱如湯洗之能

撫松縣志

卷一 地理古蹟名勝 八十七

療癬疥而緊江上源中流又有洗眼湯一處有湯眼二內有熱湯冲出高可六七尺遠望之頗似二目故名亦奇觀也

抽水洞 在縣城西北五十里許松花江岸有一山石壁嶙峋懸崖千尺山麓有石穴近接江邊江水注焉急湍潑洄勢若輪轉筏船至此稍一不慎即被水抽入漩渦故名曰抽水洞

王八炕 在漫江東岍有洞口粗如盆圓潤如泥陶成據云八十年前由洞出蛟一條蜿蜒北行將砬子穿溝一道粗如洞口埒其跡至今猶存焉

十八洞 由漫江進白山泊子行八十里許在樺皮河子沿南八里有山名曰小山上有古洞十八處一班所見僅有四處相傳古跡頗多一洞深數丈有石炕焉上置石枕一長二尺許

中凹重八十餘斤光滑異常似有人居相傳從前有人在此修道又一洞深二丈許內有獸骨數堆草窩一處相傳爲虎穴焉復一洞行數丈有水深二三尺過此則寬敞有光別有洞天此均爲張公遊長白山時目所親睹足所親蹈皆有可記之價值其餘諸洞光怪陸離莫可思憶茲略而不詳

龍灣 在長白山西北二十里有山名曰小山上有龍灣一處廣可畝餘而深不可測有無數青蛙充滿其中鳴聲嘈雜頗似蛙鼓亦趣觀也

乘槎河 由龍門天豁二峰間瀉出流聲汨汨飛掛石壁成爲瀑布下注五里爲二道白河即松花江之上源其出口處斜橫一石可以渡人因呼爲牛郎渡

撫松縣十景

柳城春曉 撫松縣城牆係用土堆成植柳作欄以閑內外每當春日初曉烟波泛綠景緻萬千

筆架尋秋 縣城南有山名曰筆架山以其中峯高聳而左右兩峯低下形若筆架每當秋際萬紫千紅遊人如鯽故名曰筆架尋秋

東山晨鐘 鎮邊樓上高懸一鐘置人守之每當黎明撞鐘俾闔城商民聞聲即起故名曰東山晨鐘

西江晚渡 松花江在縣城西門外每當夕陽西下楊柳渡頭好似山陰道上大有應接不暇之概誠撫松勝景之一也

撫松縣志

卷一 地理撫松縣十景 八十九

蓮池泛月 城南有池廣可半畝其中荷花滿布粲然奪目每當月白風清之夕放舟遨遊採蓮泛月飄飄欲仙故題曰蓮池泛月

仙洞生雲 縣城東南八里馬鹿溝門有石洞焉深不可測名曰文華洞不待雕琢而玲瓏天成雲氣氤氳繞繚其上故題曰仙洞雲生

長隄垂釣 城西南隅苦於松花江泛溢之害因築長隄以防之每當柳綠風靜之時童叟持竿危坐垂釣焉

鎮邊遠眺 緣縣城東南山巔由公竹亭爲鞏固防務起見建設礮樓一座題曰鎮邊樓登樓遠望全城在目

松香環帶 撫松縣城北門有大水曰松香河蜿蜒自東北而來

環繞如帶水勢湍激其聲澎湃誠撫松之勝景也

白山積雪

長白山在縣境東南相距三百里如在目前其白如

雪故題曰白山積雪